



盛唐第七十三

唐詩紀一百三十三

鄆郡吳瑄彙編

東吳陸文組同校

杜甫

五言古詩

發秦州

乾元二年冬自秦州如同谷至成都紀行所作

我衰更懶拙生事

一作意

不自謀無食問樂土無衣

思南州漢源十月交天氣如涼

一作涼如秋草木未黃

落况聞山水幽栗亭名更嘉

一作佳下有良田疇充

言  
五原卷之十一  
腸多薯蕷崖蜜亦易求密竹復冬笋清池可方舟  
雖傷旅寓遠庶遂平生遊此邦俯要衝實恐人事  
稠應接非本性登臨未銷憂谿谷無異石塞田始  
微收豈復慰老夫惘然難久留日色隱孤戍烏啼  
滿城頭中宵驅車去飲馬寒塘流磊落星月高蒼  
茫雲霧浮大哉乾坤內吾道長悠悠

赤谷

天寒霜雪繁遊子有所之豈但歲月暮重來未有  
期晨發赤谷亭險艱方自茲亂石無改轍我車已

載脂山深苦多風落日童稚饑悄然村墟迴煙火  
何由追貧病轉零落故鄉不可思常恐死道路永

爲高人嗤

宋本無以  
上二句

鐵堂峽

山風吹遊子縹緲乘險絕硤形藏堂隍壁色立積  
鐵徑摩穹蒼蟠石與厚地裂脩織無限竹嵌空太  
始雪威遲哀壑底徒旅慘不悅水寒長冰橫我馬  
骨正折生涯抵弧矢盜賊殊未滅飄蓬踰三年回  
首肝肺熱

鹽井

鹵中草木白青者官鹽煙官作既有程煮鹽煙在  
川汲井歲搨搨戶骨切出車日連連自公斗三百轉  
致斛六千君子慎止足小人苦喧闐我何良歎嗟  
物理固自然

寒峽

行邁日悄悄山谷勢多端雲門轉絕岸積阻霾天  
寒寒硤不可度我實衣裳單况當仲冬交泝沿增  
波瀾野人尋煙語行子傍水餐此生免荷戈未敢

辭路難

青陽峽

塞外苦厭山南行道彌惡岡巒相經亘雲水氣參  
錯林迴硤角來天窄壁面削硤西五里石奮怒向  
我落仰看日車側俯恐坤軸弱魑魅嘯有風霜霰  
浩漠漠昨憶踰隴坂高秋視吳嶽東笑蓮花卑比  
知崆峒薄超然侔壯觀已謂殷音隱寥廓突兀猶趨  
人及茲歎冥冥

龍門鎮

言終  
屈居卷之十三  
細泉兼輕冰沮洳棧道濕不辭辛苦行迫此短景  
急石門雲雪一作雷隘古鎮峯巒集旌竿暮慘澹風  
水白刃澀胡馬屯成臯防虞此何及嗟爾遠戍人  
山寒夜中泣

石龕

熊羆咆我東虎豹號我西我後鬼長嘯我前狻又  
啼天寒昏無日山遠道路迷驅車石龕下仲冬見  
虹蜺伐竹者誰子悲歌上雲梯爲官采美箭五歲  
供梁齊苦云直箝盡無以充提攜奈何漁陽騎颯

颯驚忝黎

積草嶺

自注云  
同谷界

連峯積長陰白日逝隱見颯颯林響交慘慘石狀  
變山分一作外積草嶺路異明水縣旅泊吾道窮衰  
年歲時倦卜居尚百里休駕投諸彥邑有佳主人  
情如已會面來書語絕妙遠客驚深眷食蕨不願  
餘茅茨眼中見

泥功山

朝行青泥上暮在青泥中泥濘非一時版築勞人

功不畏道途一作路永反將汨沒同白馬爲鐵驪小兒成老翁哀猿透却墜死鹿力所窮寄語北來人後來莫忽忽

鳳凰臺成州有鳳凰山即秦弄玉與簫史吹簫處

亭亭鳳凰臺北對西康州西伯今寂寞鳳聲亦悠悠山峻路絕蹤石林氣高浮安得萬丈梯爲君上上頭恐有無母雛饑寒日啾啾我能剖心血一作出飲啄慰孤愁心以當竹實炯然忘外求血以當醴泉豈徒比清流所重王者瑞敢辭微命休坐看彩

翮長舉意八極周自天銜瑞圖飛下十二樓圖以奉至尊鳳以垂鴻猷再光中興業一洗蒼生憂深衷正爲此羣盜何淹留

萬丈潭在同谷縣

清谿合冥漠今本神物有顯晦龍依積水蟠窟壓

萬丈內跼步凌垠堦側身下煙靄前臨洪濤寬却

立蒼石大山危一徑盡岸絕兩壁對削成根虛無

倒影垂澹瀨徒對切黑知灣深一作環底清見光炯

碎孤雲倒來深飛鳥不在外高蘿成帷幄寒木疊

旌旆遠川曲通流嵌竇潛洩瀨造幽無人境發興  
自我輩告歸遺恨多將老斯遊最閉藏脩鱗蟄出  
入巨石礙何當暑天過快意風雨會

發同谷縣

自注云乾元二年十二月一日自隴右赴劔南紀行

賢有不黔突聖有不煖席况我饑愚人焉能尚安  
宅始來茲山中休駕喜地僻柰何迫物累一歲四  
行役忡忡去絕境杳杳更遠適停驂一作龍潭雲  
回首虎一作崖石臨岐別數子握手淚再滴交情  
無舊深窮老多慘感平生嬾拙意偶值棲遁迹去

住與願違仰慙林間翮

木皮嶺

首

一作

路栗亭西尚想鳳凰村季冬攜童稚辛苦

赴蜀門南登木皮嶺艱

一作難

險不易論汗流被我

體祁寒爲之暄遠岫爭輔佐千巖自崩奔始知五  
嶽外別有他山尊仰干塞大明俯入裂厚坤再聞  
虎豹闢屢跼風水昏高有廢閣道摧折如短轅下  
有冬青林石上走長根西崖特秀發煥若靈芝繁  
潤聚金碧氣清無沙土痕憶觀崑崙圖日擊玄圃

存對此欲何適默傷垂老竟

白沙渡

畏途隨長江渡口下絕岸差池上舟楫杳窅入雲  
漢天寒荒野外日暮中流半我馬向北嘶山猿飲  
相喚水清石礚礚沙白灘漫漫迥然洗愁辛多病  
一踈散高壁抵嶽峯洪濤越凌亂臨風獨回首攬  
轡復三歎

水會渡

一云水回渡

山行有常程中夜尚未安微月没已久崖傾側一作

路何難大江動我前洶若溟渤寬篙師暗理楫歌  
笑輕波瀾霜濃木石滑風急手足寒入舟已千憂  
陟巘仍萬盤回眺積水外始知衆星乾遠遊令人  
瘦衰疾慙加餐

飛仙閣

華陽國志諸葛亮相蜀鑿石架空為飛梁閣道

土門山行窄微徑緣秋毫棧雲闌干峻梯石結構  
牢萬壑欹踈林積陰帶奔濤寒日外澹泊長風中  
怒號歇鞍在地底始覺所歷高往來雜坐臥人馬  
同疲勞浮生有定分饑飽豈可逃歎息謂妻子我



言終  
何隨汝曹

五盤

五盤雖云險山色佳有餘仰凌棧道細俯映江木  
踈地僻無網罟水清反一作至多魚好鳥不妄飛野  
人半巢居喜見淳朴俗坦然心神舒東郊尚格鬪  
巨猾何時除故鄉有弟妹流落隨丘墟成都萬事  
好豈若歸吾廬

龍門閣

清江下龍門絕壁無尺土長風驚高浪浩浩自太

古危途中縈盤仰望垂線縷滑石歎難鑿浮梁梟  
相柱目眩隕雜花頭風吹過雨百年不敢料一墜  
那得取飽聞經瞿塘足見度大庾終身歷艱險恐  
懼從此數

石櫃閣

季冬日已長

一作白  
日長

山晚半天赤蜀道多早

一作  
草

花江間饒竒石石櫃曾波上臨虛蕩高壁清暉迴  
羣鷗暝色帶遠客羈栖負幽意感歎向絕迹信甘  
孱懦嬰不獨凍餒迫優游謝康樂放浪陶彭澤吾

言終  
衰未自由謝爾性有適

桔柏渡

青冥寒江渡駕竹為長橋竿濕煙漠漠江水風蕭  
蕭連竿動嫋娜征衣颯颯急流鶻鷁散絕岸黿  
鼉驕西轅自茲異東逝不一作余可要高通荆門路  
濶會滄海潮孤光隱顧盼遊子悵寂寥無以洗心  
骨前登但山椒

劔門

惟天有設險劔門一作閣天下壯連山抱西南石角

皆北向兩崖崇墉倚刻畫城郭狀一夫怒臨關百  
萬未可傍珠玉走中原岷峨氣悽愴三皇五帝前  
雞犬莫一作各相放後王尚柔遠職貢道已喪至今  
英雄人高視見霸王并吞與割據極力不相讓吾  
將罪真宰意欲鏹疊嶂恐此復偶然臨風默惆悵

鹿頭山在漢州

鹿頭何亭亭是日慰饑渴連山西南斷俯見千里  
豁遊子出京華劔門不可越及茲險阻盡始喜原  
野濶殊方昔三分霸氣曾間發天下今一家雲端

言糸  
失雙闕悠然想楊馬繼起名碑兀有文令人傷何  
處理爾骨紆餘脂膏地慘澹豪俠窟杖鉞非老臣  
宣風豈專達冀公柱石姿論道邦國一作家活斯人  
亦何幸公鎮踰一作餘歲月

成都府

翳翳桑榆日照我征衣裳我行山川異忽在天一  
方但逢新人民未卜見故鄉大江東流去一作從東來  
遊子去日長曾城填華屋季冬樹木蒼喧然名都  
會吹簫聞笙簧信美無與適側身望川梁鳥雀夜

各歸中原杳茫茫初月出不高衆星尚爭光自古  
有羈旅我何苦哀傷

早發射洪縣南途中作

將老憂貧竄筋力豈能及征途乃侵星得使諸病  
入鄙人寡道氣在困無獨立傲裝逐徒旅達曙陵  
險澀寒日出霧遲清江轉山急僕夫行不進駑馬  
若維繫汀洲稍踈散風景開快悒空慰所尚懷終  
非曩遊集衰顏偶一破勝事難屢挹茫然阮籍途  
更洒楊朱泣

通泉驛南去通泉縣十五里山水作

谿行衣自濕亭午氣始散冬温蚊蚋集人遠鳧鴨

亂登頓生層陰欹傾一作出高岸驛樓衰柳側縣

郭輕煙畔一川何綺麗盡日窮壯觀山色遠寂寞

江光夕滋漫傷時媿孔父去國同王粲我生苦飄

零所歷有嗟歎

宿鑿石浦

早宿賓從勞仲春江山麗飄風過無時舟楫敢不

一作繫迴塘淡暮色日沒衆星曄缺月殊未生青

一作草草頻卒歲斯文憂患餘聖哲垂彖一作繫

燈死分翳窮途多俊異亂世少恩惠鄙夫亦放蕩

草草頻卒歲斯文憂患餘聖哲垂彖一作繫

早行

歌哭俱在曉行邁有期程孤舟似昨日聞見同一

聲飛鳥數求食潛魚亦獨驚前王作網罟設法害

生成碧藻非不茂高帆終日征干戈未揖讓崩迫

開其情

過津口屬江陵

南嶽自茲近湘流東逝深和風引桂楫春日漲雲

詩紀

盛唐卷之十三

岑回道過津口而多楓樹林白魚困密網黃鳥喧  
嘉音物微限通塞惻隱仁者心甕餘不盡酒膝有  
無聲琴聖賢兩寂寞眇眇獨開襟

次空靈岸

汙汙逆素浪落落展清眺幸有舟楫遲得盡所歷  
妙空靈霞石峻楓枯隱奔峭青春猶無私白日亦  
偏照可使營吾居終焉託長嘯毒瘴未足憂兵戈  
滿邊徼嚮者留遺恨耻爲達人誚回帆覬賞延佳  
處領其要

宿花石戍

長沙有花石戍

午辭空靈岑夕得花石戍岸疏開闢水木雜今古  
樹地蒸南風盛春熱西日暮四序本平分氣候何  
迴互茫茫天造間一作開理亂豈恒數繫舟盤藤輪  
策杖古樵路罷音疲人不在村野圃泉自注柴扉雖  
蕪沒農器尚牢固山東殘逆氣吳楚守王度誰能  
叩君門下令減征賦

早發

有求常百慮斯文亦吾病以茲朋故多窮老驅馳

併早行篙師怠席挂風不正昔人戒垂堂今則奚  
奔命濤翻思蛟躍日出黃霧一作霞映煩促瘴豈侵  
顏倚睡未一作還醒僕夫問盥櫛暮顏靦青鏡隨意  
簪葛巾仰慙林花盛側聞夜來寇幸喜囊中淨艱  
危作遠客干請傷直性薇蕨餓首陽粟馬資歷聘  
賤子欲適從疑悟此二柄

次晚洲

參錯雲石稠陂陁風濤壯晚洲適知名秀色固異  
狀棹經垂猿把身在度鳥上擺浪散帙妨危沙拆

花當羈艱暫愉悅羸老反惆悵中原未解兵吾得  
終踈放

入衡州

兵革自久遠興衰看帝王漢儀甚照耀胡馬何猖  
狂老將一失律清邊生戰場君臣忍瑕垢河嶽空  
金湯重鎮如割據權輕一作輕絕紀綱軍州體不一  
寬猛性所將嗟彼苦節士素於圓鑿方寡妻從爲  
郡兀者安短墻凋弊惜邦本哀矜存事常旌麾非  
其任府庫實過防恕已獨在此多憂增內傷偏裨

限酒肉卒伍單衣裳元惡疑一作迷是似聚謀洩康

莊竟流帳下血大降湖南殃烈火發中夜高煙焦

上蒼至今分粟帛殺氣吹沅湘福善理顛倒明徵

天莽茫銷寇避飛鏑累足穿豺狼隱忍枳棘刺遷

延胝胼瘡遠歸兒侍側猶乳女在旁久客幸脫免

暮年慙激昂蕭條向水陸汨沒隨漁商報主身已

老入朝病見妨悠悠委薄俗鬱鬱回剛腸叅錯走

洲渚春容轉林篁片帆在柳岸通郭前衡陽華表

雲鳥埤名園花草香旗亭壯邑屋烽櫓蟠城隍中

有古刺史盛才冠巖廊扶巔待柱石獨坐飛風霜

昨者聞瓊樹高談隨羽觴無論再繾綣已是安蒼

黃劇孟七國畏馬卿四賦良門闌蘇生在自注云蘇生侍

衛勇銳白起強問罪富形勢凱歌懸否臧氛埃期

必掃蚊蚋焉能當橘井舊地宅仙山引舟航此行

厭暑雨厥土聞清涼諸舅剖符近開緘書札光頻

繁一作頻命屢及磊落字百行江總外家養謝安乘

興長下流匪珠玉擇木羞鸞皇我師嵇叔夜世賢

張子房自注云彼柴荆寄樂土鵬路觀翺翔

白馬

白馬東北來空鞍貫雙一作雙貫箭可憐馬上郎意氣  
今誰見近時主將戮中夜商於戰喪亂死多門嗚  
呼淚如霰

逃難

五十白頭翁南北逃世難踈布纏枯骨奔走苦不  
煖已衰病方入四海一塗炭乾坤萬里內莫見容  
身畔妻孥復隨我回首共悲歎故國莽丘墟鄰里  
各分散歸路從此迷涕盡湘江岸 盛唐七十三

盛唐第七十四

唐詩紀一百三十四

鄆郡吳 瑄彙編

東吳陸文組同校

杜甫六

五言古詩六

自京赴奉先縣詠懷五百字

杜陵有布衣老大大意轉拙許身一何愚竊比稷與  
契居然成濩落白首甘契闊蓋棺事則已此志常  
覲豁窮年憂黎元歎息腸內熱取笑同學翁浩歌



彌激烈非無江海志瀟灑送日月生逢堯舜君不  
忍便永訣當今廊廟具構厦豈云缺葵藿傾太陽  
物性固莫奪顧惟螻蟻輩但自求其穴胡爲慕大  
鯨輒擬偃溟渤以茲悟生理獨耻事干謁兀兀遂  
至今忍爲塵埃沒終愧巢與由未能易其節沈飲  
聊自遣放歌頗愁絕歲暮百草零疾風高岡裂天  
衢陰崢嶸客子中夜發霜嚴衣帶斷指直不得結  
凌晨過驪山御榻在蟠嶠上徒結切蚩尤塞寒空  
蹴踏崖谷滑瑤池氣鬱律羽林相摩曼君臣畱歡

娛樂動殷

讀作隱

膠葛

一作竭嶠

賜浴皆長纓與宴非短

一作

禮

裼彤庭所分帛本自寒女出鞭撻其夫家聚

歛貢城闕聖人筐篚恩實欲邦國活臣如忽至理

君豈棄此物多士盈朝廷仁者宜戰慄况聞內金

盤盡在衛霍室中堂有

一作舞

神仙煙霧蒙

一作散

玉

質煖客貂鼠裘悲管逐清瑟勸客馳啼羹霜橙壓

香橘朱門酒肉臭路有凍死骨榮枯咫尺異惆悵

難再述北轅就涇渭官渡又改轍羣水從西下極

目高崢兀疑是崆峒來恐觸天柱折河梁幸未坼

枝撐聲窸窣

上息七切 下蘇骨切

行旅相攀援川廣不可越

老妻既異縣十口隔風雪誰能久不顧庶徃共饑

渴入門聞號咷幼子饑已卒吾寧捨一哀里巷亦

嗚咽所媿為人父無食致夭折豈知秋未

一作登禾

貧窶有倉卒生常免租稅名不隸征伐撫迹猶酸

辛平人固騷屑默思失業徒因念遠戍卒憂端齊

際

一作

終南頽

胡孔切

洞不可掇

遣興五首

朔風飄胡鴈慘澹帶砂礫長林何蕭蕭秋草萋萋更

碧北里富薰天高樓夜吹笛焉知南鄰客九月猶

絺綌

長陵銳頭兒出獵待明發駢弓金瓜鎬白馬蹴微

雪未知所馳逐但見暮光滅歸來懸兩狼門戶有

旌節

漆有

一作以

用而割膏以明自煎蘭摧白露下桂折

秋風前府中羅舊尹沙道尚依然赫赫蕭京兆今

為時所憐

猛虎馮其威徃徃遭急縛雷吼徒咆哮枝撐已在

脚忽看皮寢處無復晴閃鑠人有甚於斯足以勸  
元惡

朝逢富家葬前後皆輝光共指親戚大總麻百夫  
行送者各有死不須羨其強君看束縛去亦得歸

山岡

遣興三首

蓬生非無根漂蕩隨高風天寒落萬里不復歸本  
藜客子念故宅三年門巷空悵望但烽火戎車滿  
關東生涯能幾何常在羈旅中

我今日夜憂諸弟各異方不知死與生何況道路  
長避寇一分散饑寒永相望豈無柴門歸欲出畏  
虎狼仰看雲中鴈禽鳥亦有行

昔在洛陽時親友相追攀送客東郊道遨遊宿南  
山煙塵阻長河樹羽成臯間迴首載酒地豈無一  
日還丈夫貴壯健慘戚非朱顏

遣興五首

蟄龍三冬臥老鶴萬里心昔時賢俊人未遇猶視  
今嵇康不得死孔明有知音又如隴底

一作隴坻松用

言終  
盛唐卷之二十四  
捨在所尋大哉霜雪幹歲久爲枯林  
昔者龐德公未曾入州府襄陽耆舊間處士節獨  
苦豈無濟時策終竟畏羅罟林茂鳥有歸水深魚  
知聚舉家隱鹿門劉表焉得取

陶潛避俗翁未必能達道觀其著詩集頗亦恨枯  
槁達生豈是足默識蓋不早有子賢與愚何其挂  
懷抱

賀公雅一作惟吳語在位常清狂上疏乞骸骨黃冠  
歸故鄉爽氣不可致斯人今則亡山陰一茅宇江

海日清一作涼

吾憐孟浩然短短一作褐卽長夜賦詩何必多徃徃

凌鮑謝清江空舊魚春雨餘甘蔗每望東南雲令  
人幾悲吒

遺興二首

天用莫如龍有時繁扶桑頓轡海徒涌神人更

長性命苟不存英雄徒自強吞聲勿復道真宰意

茫茫

地用莫如馬無良復誰記此日千里鳴追風可君

言系 盈唐卷之七十四  
意君看渥注種態與駑駘異不雜蹄齧間逍遙有能事

遺興三首

下馬古戰場四顧但俱作茫然風悲浮雲去黃葉

墜我前朽骨穴螻蟻又為蔓草纏故老行歎息今

人尚開邊漢虜互勝負封疆不常全安得廉頗將

三軍同晏眠

高秋登塞一作山南望馬邑州降虜東擊胡壯健

盡不留穹廬莽牢落上有行雲愁老弱哭道路願

聞甲兵休鄴中事反覆死人積如丘諸將已茅土

載驅誰與謀

豐年孰云遲甘澤不在早耕田秋雨足禾黍一作

已映道春苗九月交顏色同日老勸汝衡門士勿

悲尚枯槁時來展才力先後無醜好但訝鹿皮翁

忘機對芳草

述懷

去年潼關破妻子隔絕久今夏草木長脫身得西走麻鞋見天子衣袖露兩肘朝廷慙生還親故傷

老醜涕淚受拾遺流離主恩厚柴門雖得去未忍  
卽開口寄書問三川不知家在否此聞同罹禍殺  
戮到雞狗山中漏茅屋誰復依戶牖摧頽蒼松根  
地冷骨未朽幾人全性命盡室豈相偶嶽峯猛虎  
場鬱結回我首自寄一封書今已十月後反長消  
息來寸心亦何有漢運初中興平生一作老耽酒  
沈思歡會處恐作窮獨叟

寫懷二首

勞生共乾坤何處異風俗冉冉自趨競行行見羈

束無貴賤不悲無富貧亦足萬古一骸骨鄰家逆  
歌哭鄙夫到巫峽三歲如轉燭全命甘畱滯忘情  
任榮辱朝班及暮齒日給還脫粟編蓬石城東採  
藥山北谷用心霜雪間不必條蔓綠非關故安排  
曾是順幽獨達士如弦直小人似鈎曲曲直吾不  
知負暄候樵牧

夜深坐南軒明月照我膝驚風翻河漢梁棟已出

日一作日出羣生各一宿飛動自儔匹吾亦驅其兒

營營爲私實天寒行旅稀歲暮日月疾榮名忽中

人世亂如蟣虱古者三皇前滿腹志願畢胡爲有  
結繩陷此膠與漆禍首燧人氏厲階董狐筆君看  
燈燭張轉使飛蛾密放神八極外俛仰俱蕭瑟終  
契如往還一作終然得匪合仙術

壯遊

大曆元年秋夔州作

直入少人少險曲曲直吾不

往者

一作昔

十四五出遊翰墨場斯文崔魏徒

自注云崔

鄭州尚魏

以我似班揚七齡思卽壯開口詠鳳凰

九齡書大字有作成一囊性豪業嗜酒嫉惡懷剛  
腸脫畧小時輩結交皆老蒼飲酣視八極俗物都

茫茫東下姑蘇臺已具浮海航到今有遺恨不得  
窮扶桑王謝風流遠闔廬丘墓荒劔池石壁仄長  
洲芰荷香嵯峨闔門北清廟映迴塘每趨吳秦伯  
撫事淚浪浪枕戈憶勾踐渡浙想秦皇蒸魚聞七  
首除道哂要章越女天下白鑑湖五月涼剡谿蘊  
秀異欲罷不能忘歸帆拂天姥中歲貢舊鄉氣劇  
音屈賈壘目短曹劉墻忤下考功第獨辭京尹堂  
放蕩齊趙間裘馬頗清狂春歌叢臺上冬獵青丘  
旁呼鷹阜櫪林逐獸雲雪岡射飛曾縱鞚引臂落

鵝鶴蘇侯據鞍喜自注云監門忽如攜葛疆快意

八九年西歸到咸陽許與必詞伯賞遊實賢王曳

裾置醴地奏賦入明光天子廢食召羣公會軒裳

脫身無所愛痛飲信行藏黑貂不一作寧免弊斑鬢

兀稱觴杜曲晚耆舊四郊多白楊坐深鄉黨敬日

覺死生忙朱門任傾奪赤族迭罹殃國馬竭粟豆

官雞輸稻梁舉隅見煩費引古惜興亡河朔風塵

起岷山行幸長兩宮各警蹕萬里遙相望崆峒殺

氣黑少海旌旗黃禹功亦命子涿鹿親戎行翠華

擁吳嶽螭虎噉豺狼爪牙一不中胡兵更陸梁大

軍載草草凋瘵滿膏肓備員竊補衮憂憤心飛揚

上感九廟焚下憫萬民瘡斯時伏青蒲廷諍守御

牀君辱敢愛死赫怒幸無傷聖哲體仁恕寓縣復

小康哭廟灰燼中鼻酸朝未央小臣議論絕老病

客殊方鬱鬱苦不展羽翮困低昂秋風動哀壑碧

蕙捐微芳之推避賞從漁父濯滄浪榮華敵勲業

歲暮有嚴霜吾觀鴟夷子才力一作格出尋常羣兇

逆未定側佇英俊翔



昔遊

昔與高李輩

一作昔者與高李  
自注云高適李白

晚登單父臺寒蕪

際碣石萬里風雲來桑柘葉如雨飛藿共徘徊清

霜大澤凍禽獸有餘哀是時倉廩實洞達寰區開

猛士思滅胡將帥望三台君王無所惜駕馭英雄

材幽燕盛用武供結亦勞哉吳門轉粟帛泛海陵

蓬萊肉食三十萬獵射起塵

一作黃

埃隔河憶長眺

青歲已摧頽不及少年日無復故人杯賦詩獨流

涕亂世想賢才有能市駿骨莫恨少龍媒商山議

得失蜀主脫嫌猜呂尚封國邑傳說已鹽梅景晏  
楚山深水鶴去低徊龐公任本性攜手臥蒼苔

昔遊

昔謁華蓋君綠袍崑玉脚人棺已上天白日亦寂

寞暮升艮岑頂巾几猶未却弟子四五人入來淚

俱落余時遊名山發軔在遠壑良覲違夙願含凄

向寥廓林昏罷幽磬竟夜伏石閣王喬下天壇微

月映皓鶴晨谿嚮虛駛歸徑行已昨豈辭青鞋胝

悵望惆悵一作金七藥東蒙赴舊隱尚憶同志樂伏事

董先生於今獨蕭索胡為客關塞道意久衰薄妻  
子亦何人丹砂負前諾雖悲髮鬢變一作未憂筋  
力弱杖藜望清秋有興入廬霍

遣懷

昔我遊宋中惟梁孝王都名今陳留亞劇則具魏  
俱邑中九萬家高棟照通衢舟車半天下主客多  
歡娛白刃讐不義黃金傾有無殺人紅塵裏報荅  
在斯須憶與高李輩自注云高適李白論交入酒壚兩公  
壯藻思得我色敷腴氣酣登吹臺懷古視平蕪芒

碣雲一去鴈鷺空相呼先帝正好武寰海未凋枯  
猛將收西域長戟破林胡百萬攻一城獻捷不云  
輸組練棄如泥尺土負百夫拓境功未已元和辭  
大鑪亂離朋友盡合沓歲月徂吾衰將焉託存歿  
再嗚呼蕭條益堪媿獨在天一隅乘黃已去矣凡  
馬徒區區不復有顏鮑繫舟臥荆巫臨餐吐更食  
常恐違撫孤

遣遇

磬折辭主人開帆駕洪濤春水滿南國朱崖雲日

高舟子廢寢食飄風爭所操我行匪利涉謝爾從  
者勞石間采蕨女鬻菜輸官曹丈夫死百役暮返  
空村號聞見事畧同刻剝及錐刀貴人豈不仁視  
汝若莠蒿索錢多門戶喪亂紛嗷嗷柰何黠吏徒  
漁奪成逋逃自喜遂生理花時賞緼袍

### 解憂

減米散同舟路難思共濟向來雲濤盤

自注云雲濤盤灘名

極爲險阻

衆力亦不細呀吭

一作坑又作帆

瞥眼過飛櫓本無

帶得失瞬息間致遠猶恐泥百慮視安危分明曩

賢計茲理庶可廣拳拳期勿替

### 上水遣懷

我衰太平時身病戎馬後蹭蹬多拙爲安得不皓  
首驅馳四海內童穉日餬口但遇新少年少逢舊  
親友低顏下色地故人知善誘後生血氣豪舉動  
見老醜窮迫挫曩懷常如中風走一紀出西蜀于  
今向南斗孤舟亂春華暮齒依蒲柳冥冥九疑葬  
聖者骨已朽蹉跎陶唐人鞭撻日月久中間屈賈  
輩讒毀竟自取鬱沒二悲竟蕭條猶在否黃萃清

言終 屈居卷之十四 三  
湘石逆行雜林藪篙工密逞巧氣若酣杯酒譟謳  
互激遠回幹明受授善知應觸類各藉脫穎手古  
來經濟才何事罕獨有一作獨蒼蒼衆色晚熊挂  
玄蛇吼黃羆在樹顛正爲羣虎守羸骸將何適履  
險顏益厚庶與達者論吞聲混瑕垢血氣豪舉隨  
首驅龍詠懷二首 蘇日贈口 田 馬 諫 少 平 少 雲 書  
人生貴是男丈夫重天機未達善一身得志行所  
爲嗟余竟輾軻將老逢艱危胡雛逼神器逆節同  
所爲河洛化爲血公卿草間啼西京復陷沒翠蓋

蒙塵飛萬姓悲赤子兩宮棄紫微倏忽向二紀姦  
雄多是非本朝再樹立未及貞觀時日給在軍儲  
上官督有司高賢迫形勢豈暇相扶持疲薶苟懷  
策棲屑無所施先王實罪已愁痛正爲茲歲月不  
我與蹉跎病於斯夜看豐城氣回首蛟龍池齒髮  
已自料意深陳苦辭  
邦危壞法則聖遠益愁慕飄飄桂水遊悵望蒼梧  
暮潛魚不銜鈎走鹿無反顧皦皦幽曠心拳拳異  
平素衣食相拘闕朋知限流寓風濤上春沙十里

浸江樹逆行少吉日時節空復度井竈任塵天舟  
航煩數具牽纏加老病瑣細隘俗務萬古一天生  
胡爲足名數多憂汗桃源拙計泥銅柱未辭炎瘴  
毒擺落跋涉懼虎狼窺中原焉得所歷住葛洪及  
許靖避世常此路賢愚誠等差自愛各一作受合馳騫  
羸瘠且如何魄奪鍼灸屢擁滯僮僕慵稽畱篙師  
怒終當掛帆席天意難告訴南爲祝融客勉疆親  
杖履結託老人星羅浮展衰步  
盛唐第七十四

盛唐第七十五會一執北堂唐詩紀一百三十五

東吳陸文組同校乘

杜甫

五言古詩

冬到金華山觀因得故拾遺陳公學堂遺

迹

陳子昂少讀  
書于金華山

涪右衆山內金華紫崔嵬上有蔚藍天垂光抱瓊  
臺繫舟接絕壁杖策窮縈迴四顧俯層巔淡然川

谷開雲嶺日色死霜鴻有餘哀焚香玉女跪霧裏  
仙人來陳公讀書堂石柱仄青苔悲風爲我起激  
烈傷雄材

陳拾遺故宅

拾遺平昔居大屋尚修椽悠揚荒山日慘淡故園  
煙位下曷足傷所貴者聖賢有才繼騷雅哲匠不  
比肩公生揚馬後名與日月懸同遊英俊人多乘  
輔佐權彥昭超玉價郭振起通泉到今素壁滑洒  
翰銀鈎連盛事會一時此堂豈千年終古立忠義

感遇有遺編

過郭代公故宅

豪雋初未遇其跡或脫畧

一作代公通泉尉

尉一作通

放意何自若及夫登袞冕直氣森噴薄磊落見

異人豈伊常情度定策神龍後宮中翕清廓俄頃

辨尊親指揮存顧託羣公有慙色王室無削弱迴

出名臣上丹青照臺閣我行得遺跡池館皆疏鑿

壯公臨事斷顧步涕橫落精氣凜如在所歷終蕭

索今本無以高詠寶劍篇神交付冥漠

詩已

卷之三十五

三

八哀詩

并序○大曆元年靈安作

文村冥奠

其傷時盜賊未息興起王公李公歎舊懷賢終于

張相國八公前後存沒遂不詮次焉

贈司空王公思禮

高麗人

王室無備

司空出東夷童稚刷勁翮追隨燕薊兒穎銳物不  
隔服事哥舒翰意無流沙積未甚拔行間大戎大  
充斥短小精悍資屹然強寇敵貫穿百萬衆出入  
由咫尺馬鞍懸將首甲外控鳴鏑洗劍青海水刻  
銘天山石九曲非外蕃其王轉深壁飛兔不近駕

驚鳥資遠擊曉達兵家流飽聞春秋癖曾襟日沈

靜肅肅自有適潼關初潰散萬乘猶辟易偏裨無

所施元帥見手格太子入朔方至尊狩梁益胡馬

纏伊洛中原氣甚逆肅宗登寶位塞望勢敦迫公

時徒步至請罪將厚責際會清河公

房珣也

間道傳

玉冊天王

一作子

拜跪畢讜議果冰釋翠華卷飛雪

熊虎亘阡陌屯兵鳳凰山帳殿涇渭闕

一作闕

金城

賊咽喉詔鎮雄所搯禁暴靖無雙爽氣春浙瀝巷

有從公歌野多青青麥及夫哭廟後復領太原役

恐懼永位高悵望王土窄不得見清時嗚呼就窀

窆永一作空繫五湖舟悲甚田橫客千秋汾晉間事

與雲水白昔觀文苑傳豈述庶蘭績嗟嗟鄧大夫

鄧景山也士卒終倒戟

故司徒李公光弼

司徒天寶末北收晉陽甲胡騎攻吾城愁寂竟不

愜人安若泰山薊北斷右脅朔方氣乃蘇黎首見

帝業二宮泣西郊九廟起頽壓未散河陽卒思明

偽臣妾復自碣石來火焚乾坤獵高視笑祿山公

又大獻一作獻大捷異王冊崇勲小敵信所怯擁兵鎮

河汴千里初妥帖青蠅紛營營風雨秋一葉內省

未入朝死淚終映睫大屋去高棟長城掃遺堞平

生白羽扇零落蛟龍匣雅望與英姿惻愴槐里接

三軍晦光彩烈士痛稠疊直筆在史臣將來洗箱

篋吾思哭孤冢南紀阻歸楫扶顛永蕭條未濟失

利涉疲薶竟何人灑涕巴東峽

贈左僕射鄭國公嚴公武

鄭公公璉器華嶽金天晶昔在童子日已聞老成



名嶷大賢後復見秀骨清開口取將相小心事  
友生閱書百紙盡落筆四座驚歷職匪父任嫉邪  
嘗力爭漢儀尚整肅胡騎忽縱橫飛傳自河隴逢  
人問公卿不知萬乘一作騎出雪涕風悲鳴受詞劍  
閣道謁帝蕭關城寂寞雲臺仗飄飄一作沙塞旌  
江山少使者笳鼓凝皇情壯士血相視忠臣氣不  
平密論正觀體揮發岐陽征感激動四極聯翩收  
二京西郊牛酒再原廟丹青明一作在丹青匡汲俄寵  
辱衛霍竟哀榮四登會府地三掌華陽兵京兆空

柳色尚書無履聲羣鳥自朝夕白馬休橫行諸葛  
蜀人愛文翁儒化成公來雪山重公去雪山輕記  
室得何遜韜鈴延子荆四郊失壁壘虛館開逢迎  
堂上指圖畫軍中吹玉笙豈無成都酒憂國只細  
傾時觀錦水釣問俗終相并意待大戎滅人藏紅  
粟盈以茲報主願庶或裨世程炯炯一心在沈沈  
三豎嬰顏淵一作回竟短折賈誼徒忠貞飛旄出江  
漢孤舟轉荆衡虛無一作靈無又作虛橫馬融笛悵望龍驤  
坐空一作老賓客身上媿簪纓

贈太子太師汝陽郡王璡寧王長子

汝陽讓帝子眉宇真天人虬鬚似太宗色映塞外  
 春往者開元中主恩視遇頻出入獨非時禮異見  
 羣臣愛其謹潔極倍此骨肉親從容退朝後或在  
 風雪一作雷晨忽思格猛獸苑囿騰清塵羽旗動若  
 一萬馬肅駢駢詔王來射鴈拜命已挺身箭出飛  
 鞞內上天一作又回翠麟翻然紫塞翮下拂一作推明  
 月輪胡人雖獲多天笑不為新王每中一物手自  
 與金銀袖中諫獵書扣馬久上陳竟無銜縶虞聖

聰矧多仁官免供給費水有在藻鱗匪惟帝老大  
 皆是王忠勤晚年務置醴門引申白賓道大容無  
 能永懷侍芳茵好學尚貞烈義形必霑巾揮翰綺  
 繡揚篇什若有神川廣不可泝墓久狐兔鄰宛彼  
 漢中郡文雅見天倫何以慰我悲泛舟俱遠津温  
 温昔風味少壯已書紳舊遊易磨滅衰謝增酸辛

贈秘書監江夏李公邕

長嘯宇宙間高才日陵替古人不可見前輩復誰  
 繼憶昔李公存詞林有根柢聲華當健筆灑落富

清製風流散金石追琢山嶽銳情窮造化理學貫  
天人際干謁走其門碑版照四裔各滿深望還森  
然起凡例蕭蕭白楊路洞徹寶珠惠龍宮塔廟湧  
浩劫浮雲衛宗儒俎豆事故吏去思計眇眇已皆  
虛跋涉曾不泥向來映當時豈特一作獨勸後世豐  
屋珊瑚釣麒麟織成罽紫驕隨劔几義取無虛歲  
分宅脫驂間感激懷未濟衆歸期給美擺落多藏  
穢獨步四十年風聽九臯唳嗚呼江夏姿竟掩宣  
尼袂昔者武后朝引用多寵嬖否臧太常議面折

二張勢衰俗凜生風排蕩秋旻霽忠貞負冤恨宮  
闕深旒綴放逐早聯翩低垂困炎厲日斜鵬鳥入  
翬斷蒼梧帝榮枯走不暇星駕無安稅幾分漢庭  
竹夙擁文侯篲終悲洛陽獄事近小臣斃禍階初  
負謗易力何深齊伊昔臨淄亭酒酣託末契重叙  
東都別朝陰改軒砌論文到崔蘇指盡流水逝近  
伏盈川雄未甘特進麗是非張相國相扼一危脆  
爭名古豈然鍵捷歛不閑例及吾家詩曠懷掃氛  
翳慷慨嗣真作自注云甫有和咨嗟玉山桂鍾律儼

高懸鯨鯢噴迢遞坡陀青州血蕪沒汶陽瘞哀贈  
竟蕭條恩波延揭厲子孫存一作如綫舊客舟凝

滯君臣尚論兵將帥接燕薊朗詠六公篇自注云桓彥範

敬暉崔元暉張柬之袁恕已洎狄相也憂來豁蒙蔽

故秘書少監武功蘇公源明

武功少也孤徒步客一作徐交讀書東嶽中十載

考墳典時下萊蕪郭忍饑浮雲巘負米晚為身每

食臉必泣夜字照熱薪垢衣生碧蘚庶以勤苦志

報茲劬勞願學蔚醇儒姿文包舊史善灑落辭幽

人歸來潛京輦射策君東堂宗匠集精選制可題

未乾乙科已大闡文章日自負吏掾亦一作累踐

晨趨閭闔內足踏宿昔跡一麾出守還黃屋朔風

卷不暇陪八駿虜庭悲所遣平生滿樽酒斷此朋

知展憂憤病二秋有恨石可轉肅宗復社稷得無

逆順辨范曄顧其兒李斯憶黃犬秘書茂松色一作

意再扈一作祠壇墀前後百卷文枕藉皆禁嚮篆

刻揚雄流溟漲本末淺青熒芙蓉劔犀兕豈獨剗

反為後輩戮予實苦懷緬煌煌齋房芝事絕萬手

舉垂之俟來者正始徵勸勉不要懸黃金胡為投

乳贖音二結交三十載吾與誰遊衍榮陽復冥一作

寂冥罪罟以橫罾嗚呼子逝日始泰則終蹇長安

米萬錢凋喪盡餘喘戰伐何當解歸帆阻清沔尚

纏漳水疾永負蒿里餞

故著作郎貶台州司戶榮陽鄭公虔

鷄鷓至魯門不識鍾鼓饗孔翠望赤霄愁思雕籠

養榮陽冠衆儒早聞名公賞地崇士大夫况乃氣

清爽天然生知姿學立游夏上神農或闕漏黃石

愧師長藥纂西極名兵流指諸掌貫穿無遺恨蒼

蕞何技癢自注云公長於地理山川險易方隅物

又撰胡本草七卷圭臬星經奧蟲篆丹青廣子雲窺未遍

方朔諧太枉神翰顧不一體變鍾兼兩文傳天下

口大字猶在榜昔獻書畫圖新詩亦俱往滄洲動

玉陛寡鶴誤一響三絕自御題四方尤所仰嗜酒

益疎放彈琴視天壤形骸實土木親近唯几杖未

曾寄官曹突兀倚書幌晚就芸香閣一作芸香閣胡塵

昏塊莽反覆歸聖朝點染無滌盪老蒙台州掾泛

詩已 或喜卷之七十五 九

言系  
屈居卷之十一  
泛浙江槩履穿四明雪饑拾楮谿橡空聞紫芝歌  
不見杏壇丈天長眺東南秋色餘魍魎別離慘至  
今斑白徒懷曩春深秦山秀葉墜清渭朗劇談王  
侯門野稅林下鞅操紙終夕酣時物集遐想詞場  
竟疎闊平昔濫推獎百年見存沒牢落吾安訪蕭  
條阮咸在出處同世網他日訪江樓含悽述飄蕩

自注云著作與今秘書監  
鄭君審篇翰齊價論江陵

故右僕射相國張公九齡

相國生南紀金璞無留礦仙鶴下人間獨立霜毛

整矯然江海思復與雲路永寂寞想土階未遑等  
箕頰上君白玉堂倚君金華省碣石歲崢嶸天地  
日蛙黽退食吟大庭何心記榛梗骨驚畏曩哲鬢  
變負人境雖蒙換蟬冠右地慙多幸敢忘二疎歸  
痛迫蘇耽井紫綬映暮年荊州謝所領庾公興不  
淺黃霸鎮每靜賓客引調同諷詠在務屏詩罷地  
有餘篇終語清省一陽發陰管淑氣含公鼎乃知  
君子心用才文章境散帙起翠螭倚薄巫廬並綺  
麗玄暉擁牋誅任昉騁自成一家則未缺隻字警

言終  
千秋滄海南名繫朱鳥影歸老守故林戀闕情延  
頸波濤良史筆蕪絕太庾嶺向時禮數隔制作難  
上請再讀徐孺碑猶思理煙艇

往在

往在西京日

一作時

胡來滿彤宮中宵焚九廟雲漢

為之紅解瓦飛十里總帷紛層空疚心惜木主一

一灰悲風合昏排鐵騎清旭散錦幪

一作驟

賊臣表

逆節相賀以成功是時妃嬪戮連為糞土叢當宁  
陷玉座白間剝畫蟲不知二聖處私泣百歲翁車

駕既云還楹楠歛穹崇故老復涕泗祠官樹椅桐  
宏壯不如初已見帝力雄前春禮郊廟祀事親聖  
躬微軀忝近臣景從陪羣公登堦捧玉冊義冕聆  
金鍾侍祠慙先露掖垣邇濯龍天子惟孝孫五雲  
起九重鏡奩換粉黛翠羽猶葱朧前者厭羯胡後  
來遭犬戎俎豆腐臙肉呆魚行角弓安得自西極  
申命空山東盡馳詣闕下士庶塞關中主將曉逆  
順元元歸始終一朝自罪已萬里車書通鋒鏑供  
鋤犁征伐聽所從冗官各復業土著還力農君臣

節儉足朝野歡呼同中興似國初繼體如太宗端  
拱納諫諍和風日冲融赤墀櫻桃枝隱映銀綵籠  
千春薦寢廟一作靈寢永永傳一作垂無窮京都不再火  
涇渭開愁容歸號故松柏老去苦飄蓬

述古三首

赤驥頓長纓非無萬里姿悲鳴淚至地為問馭者  
誰鳳凰從天一作東來何意復高飛竹花不結實念  
子忍朝饑古時一作來君臣合可以物理推賢人識  
定分進退固其宜

市人日中集於利競錐刀置膏烈火上哀哀自煎  
熬農人望歲稔相率除蓬蒿所務穀為本邪贏無  
乃勞舜舉十六相身尊道何高秦時任商鞅法令  
如牛毛

漢光得天下祚永固有開豈惟高祖聖功自蕭曹  
來經綸中興業何代無良一作長才吾慕寇鄧勳濟  
時信良哉耿賈亦宗臣羽翼共徘徊漢一作休運終  
四百圖畫在雲臺

佳人



言終  
屈唐卷之十一  
絕代有佳人幽居在空谷自云良家子零落依草  
木關中昔喪敗一作亂兄弟遭殺戮官高何足論不  
得收骨肉世情惡衰歇萬事隨轉燭夫壻輕薄兒  
新人美一作如如玉合昏尚知時鴛鴦不獨宿但見  
新人笑那聞舊人哭在山泉水清出山泉水濁侍  
婢賣珠回牽蘿補茅屋摘花不插髮采栢動盈掬  
天寒翠袖薄日暮倚脩竹

幽人

孤雲亦羣遊神物有所歸麟鳳在赤霄何當一來

儀往與惠詢輦中年滄洲期天高無消息棄我忽  
若遺內懼非道流幽人在瑕疵洪濤隱笑語鼓枻  
蓬萊池崔嵬扶桑日照耀珊瑚枝風帆倚翠蓋暮  
把東皇衣嘖漱元和津所思煙霞微知名未足稱  
局促商山芝五湖復浩蕩歲暮有餘悲

客從

客從南溟來遺我泉客珠珠中有隱字欲辨不成  
書緘之篋笥以候公家須開視化爲血哀今徵  
歛無

三韻三首

高馬勿捶面長魚無損鱗辱馬馬尾焦困魚魚有神君看磊落士不肯易其身

蕩蕩萬斛船影若搖

揚一作

白虹起檣必椎牛挂席

集衆功自非風動天莫置大水中

烈士惡多門小人自同調名利苟可取殺身傍權要何當官曹清爾輩堪一笑

赤谷西崦人家

躋險不自安出郊已清目谿迴日氣煖逕轉山田

熟鳥雀依茅茨藩籬帶松菊如行武陵暮欲問桃源曲

遭田父泥飲美嚴中丞

步屨隨春風村村自花柳田翁逼社日邀我嘗春

一作新

酒酒酣誇新尹畜眼未見有回頭指大男渠

是弓弩手名在飛騎籍長番歲時久前日放營農

辛苦救衰朽差科死則已誓不舉家走今年大作

社拾遺能住否叫婦開大餅盆中爲吾取感此氣

揚揚須知風化首語多雖雜亂說尹終在口朝來

言糸 盛唐卷之七十五  
偶然出自卯將及酉久客諳惜一作人情如何拒鄰  
叟高聲索果栗欲起時被肘指揮過無禮未覺村  
野醜月出遮我留仍嗔問升斗

西閣曝日

凜冽倦玄冬負暄嗜飛閣羲和流德澤顛頊愧倚  
薄毛髮具自和肌膚潛沃若太陽信深仁衰氣歛  
有託歆傾煩注眼容易收病脚流離木杪後翩躚  
山顛鶴朋知苦聚散哀樂日已作卽事會賦詩人  
生忽如昨古來遭喪亂賢聖盡蕭索胡爲將暮年

憂世心力弱

秋行官張望官促東渚耗稻向畢清晨遣  
女奴阿稽豎子阿段往問

東渚雨今足佇聞杭稻香上天無偏頗蒲稗各自  
良人情見非類田家戒其荒功夫競搨搨苦骨除切  
草置岸傍穀者命之本客居安可忘青春具所務  
勤墾免亂常吳牛力容易並驅紛遊場一作動豐莫當  
苗亦已概雲水照方塘有生固蔓延靜一資隄防  
督領不無人提攜頗在綱荆揚風土煖肅肅一作爾

候微霜尚恐主守疎用心未甚臧清朝遣婢僕寄  
語踰崇岡西成聚必散不獨陵我倉豈要仁里譽  
感此亂世忙北風吹蕪葭蟋蟀近中堂荏苒百工  
休鬱紆遲暮傷

暇日小園散病將種秋菜督勤耕牛兼書

觸目

不愛入州府畏人嫌我真及乎歸茅宇旁舍未曾  
嗔老病恐一作忌拘束應接喪精神江村意自放林  
木心所欣秋耕屬地濕山雨近甚勻冬菁飯之半

牛力晚來新深耕種數畝未甚後四鄰嘉蔬既不  
一名數頗具陳荆巫非苦寒採擷接青春飛來兩  
白鶴暮啄泥中芹雄者左翮垂損傷已露筋一步  
再流血尚驚矰繳勤三步六號叫志屈悲哀頻鸞  
凰不相待側頸訴高長杖藜俯沙渚為汝鼻酸辛

課伐木 并序

課隸人伯夷辛秀信行等入谷斬陰木人日四  
根止維條伊枚正直挺然晨征暮返委積庭內  
我有藩籬是缺是補載截一作伐條蕩伊仗支持

則旅次于小安山有虎知禁若恃爪牙之利必

舊本無必字昏黑控突夔人屋壁列樹白菊一作銀

為墻實以竹示式遏為與虎近混淪乎無良賓

客憂害馬之徒苟活為幸可嘿息已作詩示宗

武誦

長夏無所為客居課奴僕清晨飯其腹持斧入白

谷青冥層巔後十里斬幽一作陰木人肩四根已亭

午下山麓尚聞丁丁聲功課入各足蒼皮成一作見

委積素節相照燭藉汝跨小籬當杖若一作苦虛竹

空荒咆熊羆乳獸待人肉不示知禁情豈惟干戈

哭城中賢府主處貴如白屋蕭蕭理體靜蜂蠆不

敢毒虎穴連里閭隄防舊風俗泊舟滄江岸久客

慎所觸舍西崖嶠壯雷雨蔚含蓄墻宇資屢修衰

年怯幽獨爾曹輕執熱為我忍煩促秋光近清岑

季月當泛菊報之以微寒共給酒一斛

信行遠修水筒

自注云引泉筒也按信行隸人名

汝性不如葦清靜僕夫內秉心識本源於事少滯

礙雲端水筒圻林表山石碎觸熱藉子修通流與

厨會往來四十里荒險崖谷一作石大日醺驚未食

一作餐貌赤媿相對浮瓜供老病裂餅常所愛於斯

答恭謹足以殊殿最詎要方士符何假將軍蓋行

諸直如筆用意崎嶇外

行官張望補稻畦水歸

東屯大江北百頃平若案六月青稻多于畦碧泉

亂插秧適云已引溜加漑灌更僕往方塘決渠當

斷岸公私各地著浸潤無天旱主守問家臣分明

見谿畔芊芊一作芊芊炯翠羽剡剡一作剡剡生銀漢鷗鳥

鏡裏來關山雪邊看秋菰成黑米精鑿音傳白粲

玉粒足晨炊紅鮮任霞散終然添旅食作苦期壯

觀遺穗及衆多我倉戒滋漫

催宗文樹雞柵

吾衰怯行邁旅次展崩迫愈風傳烏雞秋卯方漫

喫自春生成者隨毋向百翮驅趨制不禁喧呼山

腰宅課奴殺青竹終日增赤幘踏藉盤案翻塞蹊

使之隔墻東有隙地可以樹高柵避熱時來歸問

兒所爲跡織籠巢其內令入不得擲稀間可突過

莆瓜一作還汚席我寬螻蟻遭彼免狐貉厄應宜

各長幼自此均勅敵籠柵念有修近身見損益明

明領處分一一當剖析不昧風雨晨亂離減憂感

其流則凡鳥其氣心匪石倚賴窮歲晏撥煩去水

釋未似尸鄉翁拘留蓋阡陌

上後園山脚

朱夏熱所嬰清旭一作步北林小園背高岡挽葛

上崎崙曠望延駐目一作飄颻一作散疎襟潜鱗

恨水壯去翼依雲深勿謂地無疆劣於山有陰石

楫遍天下水陸兼浮沈自我登隴首十年經石岑

劔門來巫峽薄倚浩至今故園暗戎馬骨肉一作八追

尋時危無消息老去多歸心志士惜白日一作合藉

黃金敢為蘇門嘯庶作梁父吟

又上後園山脚

昔我遊山東憶戲東嶽陽窮秋立日觀矯首望八

荒朱崖著毫髮碧海吹衣裳蓐收困用事一作冥蔚

强梁逝水自朝宗鎮石一作各其方平原獨憔悴

農力廢耕桑非關風露凋曾是戍役傷於時國用

言終  
富足以守邊疆朝廷任猛將遠奪戎虜場到今事  
反覆故老淚萬行龜蒙不可見况乃懷故鄉肺萎  
屬久戰骨出熱中腸憂來杖匣劍更上林北岡瘴  
毒猿鳥落峽乾南日黃秋風亦已起江漢始如湯  
登高欲有往蕩析川無梁哀彼遠征人去家死路  
傍不及父祖塋壘壘塚相當

柴門

泛舟登灤西回首望兩崖東城乾旱天其氣如焚  
柴長影沒窈窕餘光散谿舂  
上火含切 下虛加切大江蟠嵌

根歸海成一家下衝割坤軸竦壁攢鏌鄒蕭颯一作

瑟洒秋色氣昏霾日車峽門自此始最窄容浮查

禹功翊造化疏鑿就欹斜巨渠決太古衆水爲長  
蛇風煙渺吳蜀舟楫通鹽麻我今遠遊子飄轉混  
泥沙宋本無以萬物附本性約身不欲奢茅棟蓋

一牀清池有餘花濁醪與脫粟在眼無咨嗟山荒  
人民少地僻日夕佳貧窮固其常富貴任生涯老

於干戈際宅幸蓬華遮石亂上雲氣杉青一作清延

日一作華賞妍又分外理愜夫何誇足了垂白年



敢居高士差書此豁平昔回首猶暮霞

式干丈種蒿苴并時

入既雨已秋堂下理小畦隔種一兩席許蒿苴向

二旬矣而苴不甲拆獨野莫青青傷時君子或

或晚得微祿軼軻不進因作此詩

陰陽一錯亂驕蹇不復理枯旱於其中炎方慘如

燬植物半蹉跎嘉生將已矣雲雷世本作霞誤歛奔命

師伯集所使指揮赤白日瀕洞清光起雨聲先已

風散足盡西靡山泉落滄江霹靂猶在耳終朝紆

颯脊信宿罷瀟灑堂下可以畦呼童對經始苴今

疏之常隨事藝其子破塊數席間荷鋤功易止兩

旬不甲拆空惜埋泥滓野莫迷汝來宗生實於此

此輩豈無秋亦蒙寒露委翻然出地速滋蔓戶庭

毀因知邪干正掩仰至沒齒賢良雖得祿守道不

封已擁塞敗芝蘭衆多盛荆杞中園陷蕭艾老圃

永為耻登于白玉盤藉以如霞綺莫也無所施胡

顏入筐篚

驅豎子摘蒼耳

江上秋已分林中瘴猶劇畦丁告勞苦無以供朝

一作夕蓬莠獨不焦野蔬暗泉石卷耳况療

風童兒且時摘侵星驅之去爛熳任遠適放筐亭

午際洗剝相蒙羃登牀半生熟下筋還小益加點

瓜薤間依稀橘奴跡亂世誅求急黎民糠粃

窄飽食復何心荒哉膏粱客富家厨肉臭戰地骸

骨白寄語惡年少黃金且休擲

屏跡

衰顏一作甘屏跡幽事供高卧鳥下竹根行龜開

萍葉過年荒酒價乏日併園蔬課猶酌甘泉歌  
長擊樽破

除草自注云去藜也按藜音  
潜又除炎切山止也

草有害於人曾何生阻脩其毒甚蜂蠆其多彌道

周清晨步前林江色未散夏芒刺在我眼焉能待

高秋霜雪一霑凝蕙葉亦難留荷鋤先童稚日入

仍討求轉置水中央豈無雙釣舟頑根易滋蔓致

使依舊丘自茲藩籬曠更覺松竹幽芟夷不可闕

疾惡信如讐



言終  
一木支臨川視萬里何必欄檻爲人生感故物慷  
慨有餘悲

營屋

我有陰江竹能令朱夏寒陰通積水內高入浮雲  
端甚疑鬼物憑不顧剪伐殘東偏若面勢戶牖可  
永安愛惜已六載茲晨去千竿蕭蕭見白日沟沟  
開奔湍度堂匪華麗養拙異考槃草茅雖薙茸衰  
病方少寬洗然順所適此足代加餐寂無斤斧響  
庶遂憩息歡

草堂

昔我去草堂蠻夷塞成都今我歸草堂成都適無  
虞請陳初亂時反覆乃須臾大將赴朝廷羣小起  
異圖中宵斬白馬盟軟氣已麤西取邛南兵北斷  
劔閣隅布衣十數人亦擁專城居其勢不兩大始  
聞蕃漢殊西卒却倒戈賊臣互相誅焉知肘腋禍  
自及梟獍世本作鏡徒義士皆痛憤紀綱亂相踰一國  
實三公萬人欲爲魚唱和作威福孰肯一作辨無  
辜眼前列杻械背後吹笙竽談笑行殺戮濺血滿

長衢到今用鉞地風雨聞號呼鬼妾與鬼馬色悲  
充爾娛國家法令在此又足驚吁賤子且奔走三  
年望東吳弧矢暗江海難爲遊五湖不忍竟舍此  
復來薤榛蕪入門四松在步堞萬竹疎舊犬喜我  
歸低徊入衣裾鄰里舍一作喜我歸沽酒攜胡蘆大  
官喜我來遣騎問所須城郭喜我來賓客隘村墟  
天下尚未寧健兒勝腐儒飄飄一作風塵際何地  
置老夫於時見疣贅骨髓幸未枯飲啄媿殘生食  
薇不敢餘

客居

客居所居堂前江後山根下塹萬尋岸蒼濤鬱飛  
翻葱青衆木梢邪豎雜石痕子規晝夜啼壯士歛  
精蒐峽開四千里水合數百源人虎相半居相傷  
終兩存蜀麻久不來吳鹽擁荆門西南失大將商  
旅自星奔今又降元戎已聞動行軒舟子候利涉  
亦憑節制尊我在路中央生理不得論臥愁病脚  
廢徐步示小園短畦帶碧草悵望思王孫鳳隨其  
凰去籬雀暮喧繁覽物想故國十年別荒一作村

日暮歸幾翼北林空自昏安得覆八溟爲君洗乾  
坤稷契易爲力犬戎何足吞儒生老無成臣子憂  
四藩篋中有舊筆情至時復援

客堂

憶昨離少城而今異楚蜀捨舟復深山宵窵一林  
麓栖泊雲安縣消中內相毒舊疾廿載來衰年得  
無足死爲殊方鬼頭白兔短促老馬終望雲南鴈  
意在北別家長兒女欲起慙筋力客堂叙節改具  
物對羈束石暄蕨芽紫渚秀蘆笋綠巴稼一作鶯紛

未稀微麥早向熟悠悠日動江漠漠春辭木臺郎

一作選才俊自顧亦已極前輦聲名人埋沒何所

得居然縮章紱受性本幽獨平生憩息地必種數  
竿竹事業只濁醪營葺但草屋上公有記者累奏  
資薄祿主憂豈濟時身遠彌曠職循文廟筭正獻  
可天衢直尚想趨朝廷毫髮禪社稷形骸今若是  
進退委行色

甘林

捨舟越西岡入林解我衣青芻適馬性好鳥知人

歸晨光映遠岫夕露見日晞遲暮少寢食清曠喜  
荆扉經過倦俗態在野無所違試問甘藜藿未肯  
羨輕肥喧靜不同科出處各天機勿矜朱門是陋  
此白屋非明朝步鄰里長老可以依時危賦歛數  
脫粟爲爾揮相攜行豆田秋花靄菲菲子實不得  
喫貨市送王畿盡添軍旅用迫此公家威主人長  
跪辭一作戎馬何時稀我衰易悲傷屈指數賊圍  
勸其死王命慎勿一作遠奮飛

阻雨不得歸灤西甘林

三伏適已過驕陽化爲霖欲歸灤西宅阻此江浦  
深壞舟百板圻峻岸復萬尋篙工初一棄恐泥勞  
寸心佇立東城隅悵望高飛禽草堂亂玄圃不隔  
崑崙岑昏渾衣裳外曠絕同層陰園甘長成時三  
寸如黃金諸侯舊上計厥貢傾千林邦人不足重  
所迫豪吏侵客居暫封殖日夜偶瑤琴虛徐五株  
態側塞煩胷襟焉得輟兩足杖藜出嶇嶇條流數  
翠實偃息歸碧潄拭拂烏皮几喜聞樵牧音令兒  
快搔背脫我頭上簪

園官送菜 并序

園官送菜把本數日闕矧苦苜馬齒掩乎嘉蔬  
傷小人妬害君子菜不足道也比而作詩

清晨蒙菜把常荷地主恩守者愆實數畧有其名

存苦苜刺如鍼馬齒葉亦繁青青嘉蔬色埋沒在

中園園吏未足恠世事固一作堪論嗚呼戰代久

荆棘暗長原乃知苦苜輩傾奪蕙草根小人塞道

路為態何喧喧又如馬齒盛氣擁葵荏昏點染不

易虞絲麻雜羅紈一經器物內永挂麓刺痕志士

採紫芝放歌避戎軒畦丁負籠至感動百慮端

園人送瓜

江間雖炎瘴瓜熟亦不早栢公鎮夔國滯務茲一

掃食新先戰士共少及谿老傾筐蒲鴿青滿眼顏

色好竹竿接嵌竇引注來鳥道浮沈亂水玉愛惜

如芝草落刃嚼冰霜開懷慰枯槁許以秋帶除仍

看小兒一作童抱東陵跡蕪舊本作無絕楚漢休征討園

人非故侯種此何草草

破船



詩經  
卷之七十一  
平生江海心宿昔具扁舟豈惟清谿上日傍柴門  
遊愴惶避亂兵緬邈懷舊丘鄰人亦已非野竹獨  
脩脩船舷不重扣埋沒已經秋仰看西飛翼下媿  
東逝流故者或可掘新者亦易求所悲數奔竄白  
屋難久留

立秋後題

日月不相饒節叙昨夜隔玄蟬無停號秋燕已如  
客平生獨往願惆悵年半百罷官亦由人何事拘  
形役

喜晴

皇天久不雨旣雨晴亦佳出郭眺西郊蕭蕭春增  
華青熒陵陂麥窈窕桃李花春夏各有實我饑豈  
無涯干戈雖橫放慘澹鬪龍蛇甘澤不猶愈且耕  
今未賒丈夫則帶甲婦女終在家力難及黍稷得  
種菜與麻千載商山芝往者東門瓜其人骨已朽  
此道誰疵瑕英賢遇輶軻達引蟠泥沙顧慙昧所  
適回首白日斜漢陰有鹿門滄海有靈查焉能學  
衆口咄咄空咨嗟

大雨

西蜀冬不雪春農尚嗷嗷上天回哀眷朱夏雲鬱  
 陶執熱乃沸鼎織絺成緼袍風雷颯萬里霈澤施  
 蓬蒿敢辭茅葦漏已喜黍豆高三日無行人二江  
 聲怒號流惡邑里清矧茲遠江臯荒庭步鶴鶴隱  
 几望波濤沈痾聚藥餌頓忘所進勞則知潤物功  
 可以貸不毛陰色靜隴畝勸耕自官曹四鄰出耒  
 耜一作耒何必吾家操耜出

谿漲

當時浣花橋谿水纔尺餘白石明可把水中有行  
 車秋夏忽泛溢豈惟入吾廬蛟龍亦狼狽况是鼈  
 與魚茲晨已半落歸路跬步疎馬嘶未敢動前有  
 深填淤青青屋東麻散亂床上書不意遠山雨夜  
 來復何如我遊都市間晚憩必村墟乃知久行客  
 終日思其居

喜雨

春旱天地昏日色赤如血晨事都已休兵戈一作戎  
 况騷屑巴人困軍須慟哭厚土熟滄江夜來雨真

帝罪一雪穀根少蘇息沴氣終不滅何由見寧歲  
解我憂思結崢嶸羣山雲交會未斷絕安得鞭雷

公滂沱洗吳越

自注云時聞浙右多盜賊

雨

山雨不作泥江雲薄為霧晴飛半嶺鶴風亂平沙  
樹明滅洲景微隱見巖姿露拘悶出門遊曠絕經  
目趣消中日伏枕臥久塵及屨豈無平肩輿莫辨  
望鄉路兵戈浩未息蛇虺反相顧悠悠邊月破鬱  
鬱流年度針灸阻明曹糠粃胡骨切對童孺一命須

屈色新知漸成故窮荒益自卑飄泊欲誰訴厄羸  
愁應接俄頃恐違迂浮俗何萬端幽人有高步龐  
公竟獨往尚子終罕遇宿留音秀洞庭秋天寒蕭  
湘素杖策可入舟送此齒髮暮

雷

大旱山嶽焦密雲復無雨南方瘴癘地罹此農事  
苦封內必舞雩峽中喧擊鼓真龍竟寂寞土梗空  
俯僂吁嗟公私病稅歛缺不補故老仰面啼瘡痍  
向誰數暴虐或前聞鞭巫非稽古請先偃甲兵處

分聽人主萬邦但各業一物休盡取水旱其數然  
堯湯免親覩上天爍金石羣盜亂豺虎二者存一  
端愆陽不猶愈昨宵殷其雷風過齊萬弩復吹霾  
翳散虛覺神靈聚氣竭腸胃融汗滋衣裳污吾衰  
猶計拙失望築場圃

火

自注云楚俗大旱則焚山擊鼓有合神農書

楚山經月火大旱則斯舉舊俗燒蛟龍驚惶致雷  
雨爆嵌魑魅泣崩凍嵐陰<sub>切</sub>眡<sub>侯古切</sub>羅落拂百泓根  
源皆萬古青林一灰燼雲氣無處所入夜殊赫然

新秋照牛女風吹巨焰作河棹騰煙柱勢欲焚崑

崙光瀰<sub>焮</sub>

香靳切炙也

洲渚腥至焦長蛇聲吼纏猛虎

神物已高飛不見石與土爾寧要謗讟憑此近焚  
侮薄關長吏憂甚昧至精主遠遷誰撲滅將恐及  
環堵流汗臥江亭更深氣如縷

雨

峽雲行清曉煙霧相徘徊風吹滄江去

一作雨灑

石壁來淒淒生餘寒殷殷兼出雷白谷變氣候朱  
炎安在哉高鳥濕不下居人門未開楚宮久已滅

幽佩爲誰哀侍臣書王夢賦有冠古才冥冥翠龍  
駕多自巫山臺

牽牛織女

牽牛出河西織女處其東萬古永相望七夕誰見  
同神光竟難候此事終蒙隴颯然精靈合何必秋  
遂通亭亭新妝立龍駕具層空世人亦爲爾祈請  
走兒童稱家隨豐儉白屋達公宮膳夫翊堂殿鳴  
玉淒房櫳曝衣遍天下曳月揚微風蛛絲小人態  
曲綴瓜果中初筵裛重露日出甘所終嗟汝未嫁

女秉心鬱忡忡防身動如律竭力機杼中雖無舅  
姑事敢昧織作功明明君臣契咫尺或未容義無  
棄禮法恩始夫婦恭大小有佳期戒之在至公方  
圓苟齟齬丈夫多英雄

雨

行雲遞崇高飛雨靄而至潺潺石間溜汨汨松上  
駛亢陽乘秋熱百穀皆已棄皇天德澤降焦卷有  
生意前雨傷卒暴今雨喜容易不可無雷霆間作  
鼓增氣佳聲達中宵所望時一致清霜九月天髣

言終  
庶見滯穗郊扉及我思我圃日蒼翠恨無抱甕力  
庶減臨江費

雨二首

青山淡無姿白露誰能數片片水上雲蕭蕭沙中

雨殊俗狀巢居層臺附一作風渚佳客適萬里沈

思情延佇掛帆遠色外驚浪滿吳楚久陰蛟螭出

寇盜復幾許

空山中宵陰微冷先枕席迴風起清曙一作萬象

妻已碧落落入岫雲渾渾倚天石日假何道行雨

含長江白連檣荊州船有士荷茅一作戟南防草

鎮慘霑濕赴遠役羣盜下辟山總戎備強敵水深

雲光廓鳴櫓各有適漁艇息悠悠夷歌負樵客畱

滯一老翁書時記朝夕

北風

北風破南極朱鳳日威垂洞庭秋欲雪鴻鴈將安

歸十年殺氣盛六合人煙稀吾慕漢初老時清猶

茹芝

揚旗自注云二年夏六月成都尹鄭公置酒公堂觀騎士試新旗幟

言紀  
江雨颯長夏府中有餘清我公會賓客肅肅有異  
聲初筵閱軍裝羅列照廣庭庭空六馬入駮駮揚  
旗旌回回偃飛蓋熠熠迸流星來纏風颺急去擘  
山嶽傾材歸俯身盡妙取畧地平虹蜺就掌握舒  
卷隨人輕三州陷犬戎但見西嶺青公來練猛士  
欲奪天邊城此堂不易升庸蜀日已寧吾徒且加  
餐休適蠻與荆

夜聽許十一誦詩愛而有作

許生五臺賓業白出石壁余亦師粲可身猶縛禪

寂何階子方便謬引爲匹敵離索晚相逢包蒙欣  
有擊誦詩渾遊行四座皆辟易應手看捶鈎清心  
聽鳴鏑精微穿溟滓飛動摧霹靂陶謝不枝梧風  
騷共推激紫鸞一作燕自超詣翠駮誰剪剔君意人  
莫知人間夜寥閨

聽楊氏歌

佳人絕代歌獨立發皓齒滿堂慄不樂響下青虛  
裏江城帶素月况乃清夜起老夫悲暮年壯士淚  
如水玉杯久寂寞金管迷宮徵勿云聽者疲愚智

心盡死古來傑出土豈待一知己吾聞昔秦青傾  
側天下耳

觀薛稷少保書畫壁

少保有古風得之陝郊篇惜哉功名忤但見書畫  
傳我遊梓州東遺跡涪江邊畫藏青蓮界書入金  
榜懸仰看垂露姿不崩亦不騫鬱鬱三大字蛟龍  
豈相纏又揮西方變發地扶屈椽慘澹壁飛動到  
今色未填此行疊壯觀郭薛俱才賢不知千載後  
誰復來通泉

通泉縣署屋壁後薛少保畫鶴

薛公十一鶴皆寫青田真畫色久欲盡蒼然猶一作

獨出塵低昂各有意磊磊如長人佳此志氣遠豈

惟粉墨新萬里不以力羣遊森會神威遲白鳳態

非是倉鶻鄰高堂未傾覆幸得慰佳賓曝露牆壁

外終嗟風雨頻赤霄有真骨恥飲洿池津冥冥任

所適一作脫畧誰能馴

殿中楊監見示張旭草圖

斯人已云亡草聖祕難得及茲煩見示滿目一妻



惻悲風生微綃萬里有一作起古色鏘鏘鳴玉動落

落羣松直連山蟠其間溟漲與筆力有練實先書

臨池真盡墨俊拔為之主暮年思轉極未知張王

後誰並百代則嗚呼東吳精逸氣感清識楊公拂

篋笥舒卷忘寢食念昔揮毫端不獨觀酒德

楊監又出畫鷹十二扇

近時馮紹正能畫鷲鳥樣明公出此圖無乃傳其

狀殊姿各獨立清絕心有向疾禁千里馬氣敵萬

人將憶昔驪山宮冬移含元仗天寒大羽獵此物

神俱王當時無凡材百中皆用壯粉墨形似間識  
者一惆悵干戈少暇日真骨老崖嶂為君除狡兔  
會是翻鞞上

### 太平寺泉眼

招提憑高岡疎散連草莽出泉枯柳根汲飲歲月

古石間一作門見海眼天畔縈水府廣深丈尺間宴

息敢輕侮青白二小蛇幽姿可時覩如絲氣或上

爛熳為雲雨山頭到山下鑿井不盡土取供十方

僧香美勝牛乳北風起寒文弱藻舒翠縷明涵客

衣淨細蕩林影趣何當宅下流餘潤通藥圃二春  
濕黃精一食生毛羽

石硯

自注云平侍御者之硯也

平公今詩伯秀發吾所羨奉使三峽中長嘯得石  
硯巨璞禹鑿餘異狀君獨見其滑乃波濤其光或  
雷電聯坳各盡墨多水逾隱見揮灑容數人十手  
可對面比公頭上冠貞質未為賤當公賦佳句况  
得終清宴公含起草姿不遠明光殿致于丹青地  
知汝隨顧盼

杜鵑

西川有杜鵑東川無杜鵑涪萬

一作南

無杜鵑雲安

有杜鵑我昔遊錦城結廬錦水邊有竹一頃餘喬  
木上參天杜鵑暮春至哀哀叫其間我見常再拜  
重是古帝堯生子百鳥巢百鳥不敢噴仍為餒其  
子禮若奉至尊鴻鴈及羔羊有禮太古前行飛與  
跪乳識序又知恩聖賢古一作吾法則付與一作之後  
世傳君看禽鳥情猶解事杜鵑今忽暮春間值我  
病經年身病不能拜淚下如迸泉

詩經 卷之七十六  
槐葉冷陶

青青高槐葉采掇付中厨新麪來近市汁滓宛相  
俱入鼎資過熟加餐愁欲無碧鮮俱照筋香飯兼  
苞蘆經齒冷於雪勸人投比珠願隨金驥裹走置  
錦屠蘇路遠思恐泥興深終不渝獻芹則小小薦  
藻明區區萬里露寒殿開冰清玉壺君王納涼晚  
此味亦時須

病栢

有栢生崇岡童童狀車盖偃蹇

一作蹇

龍虎姿王當

風雲會神明依正直故老多再拜豈知千年根中  
路顏色壞出非不得地盤據亦高大歲寒忽無憑  
日夜柯葉改丹鳳領九雛哀鳴翔其外鴟鴞志意  
滿養子穿穴內客從何鄉來竚立久吁恠靜求元  
精理浩蕩難倚賴

病橘

羣橘少生意雖多亦奚爲惜哉結實小酸澀如棠  
梨剖之盡蠹蟲采掇爽其宜紛然不適口豈止一作  
宜存其皮蕭蕭半死葉未忍別故枝玄冬霜雪積

况乃迴風吹嘗聞蓬萊殿羅列瀟湘姿此物歲不  
稔玉食失光輝寇盜尚憑陵當君減膳時汝病是  
天意吾愁一作罪有司憶昔南海使奔騰獻荔枝  
百馬死山谷到今耆舊悲

枯櫟

蜀門多櫟樹高者十八九其皮割剝甚雖衆亦易  
朽徒布如雲葉青青歲寒後交橫集斧斤凋喪先  
蒲柳傷時若軍之一物官盡取嗟爾江漢人生成  
復何有有同枯櫟木使我沈歎又死者即已休生

者何自守啾啾黃雀啁即啄字側見寒蓬走念爾形  
影乾摧殘沒藜莠

枯枿

梗枿枯嶢嶢鄉黨皆莫記不知幾百歲慘慘無生  
意上枝摩蒼一作皇天下根蟠厚地巨圍雷霆圻萬  
孔蟲蟻萃凍雨落流膠衝風奪佳氣白鵠遂不來  
天雞爲愁思猶含棟梁具無復霄漢志良工苦昔  
少識者出涕淚種榆水中央成長何容易截承金  
露盤裊裊不自畏

丁香

丁香體柔弱亂結枝猶墊細葉帶浮毛疎花披素  
艷深裁小齋後庶近幽人占晚隨蘭麝中休懷粉  
身念

麗春

麗春  
百草競春華麗春應最勝少須顏色好多謾枝條  
剩紛紛桃李枝處處總能移如何此貴重却怕有  
人知

櫻拂子

櫻拂且薄陋豈知身效能不堪代白羽有足除蒼  
蠅熒熒金錯刀擢擢朱絲繩非獨顏色好亦用顧  
盼稱吾老抱疾病家貧臥炎蒸作答切字  
當作嚙膚倦  
撲滅賴爾甘服膺物微世競棄義在誰肯徵三歲  
清秋至未敢闕緘滕

四松

四松初移時大抵三尺強別來忽三歲離立如人  
長會看根不拔莫計枝凋傷幽色幸秀發疎柯亦  
昂藏所插小藩籬本亦有隄防終然根撥損得愧

千葉黃敢為故林主黎庶猶未康避賊今始歸春  
草滿空堂覽物歎衰謝及茲慰妻涼清風為我起  
灑面一作若微霜足以送老姿聊待偃蓋張我生  
無根蒂配爾亦茫茫有情且賦詩事迹可兩忘勿  
矜千載後慘澹蟠穹蒼

對如醜爾甘如... 金... 盛唐第七十六

盛唐第七十七

唐詩紀一百三十七

鄆郡吳 瑄彙編  
東吳陸文組同校

杜甫九

七言古詩

前苦寒行二首

漢時長安雪一丈牛馬毛寒縮如蝟楚江巫峽水  
入懷虎豹哀號又堪記秦城老翁荆揚客慣習炎  
蒸歲絺絺玄冥祝融氣或交手持白羽未敢釋

去年白帝雪在山今年白帝雪在地凍埋蛟龍南  
浦縮寒刮肌膚北風利楚人四時皆麻衣楚天萬  
里無晶輝三足之鳥足恐斷羲和迭迭將安歸

後苦寒行二首

南紀巫廬瘴不絕太古以來無尺雪蠻夷長老怨  
苦寒崑崙天關凍應折玄猿口噤不能嘯白鵠翅  
垂眼流血安得春泥補地裂東吳蜀人歸回歎  
晚來江門一作失大木猛風中夜飛一作白屋天  
兵斬斷青海戎殺氣南行動坤軸不爾苦寒何太

酒巴東之峽生凌漸彼蒼回幹人得知

悲陳陶

陳陶斜在咸陽縣房瑄與祿山戰敗績于此

葛常之詩話云子美悲陳陶言房瑄之敗也瑄臨敗尤持重而中人邢延恩促戰遂敗故  
深悲之

孟冬十郡良家子血作陳陶澤中水野曠天清一作

廣野無戰聲四萬義軍同日死羣胡歸來血一作

天晴洗箭仍唱胡歌飲都一作市都人回面向北啼日

夜更望官軍至

悲青坂青坂在岐州太白山房瑄起軍于此

我軍青坂在東門天寒飲馬太白窟黃頭奚兒日  
向西數騎彎弓敢馳突山雪河水野一作晚蕭瑟青  
是烽煙白是一作人骨焉得附書與我軍忍待明年  
莫倉卒

哀王孫

時祿山驚潼關玄宗倉卒西幸諸嗣王及公主之在外者皆不及從

其後多為祿山所屠此詩記而哀之

長安城頭頭白烏夜飛延秋門上呼又向人家啄  
大屋屋底達官走避胡金鞭斷折九馬死骨肉不  
待同馳驅腰下寶玦青珊瑚可憐王孫泣路隅問

之不肯道姓名但道困苦乞為奴已經百日竄荆  
棘身上無有完肌膚高帝子孫盡隆準龍種自與  
常人殊豺狼在邑龍在野王孫善保千金軀不敢  
長語臨交衢且為王孫立斯須昨夜東一作春風吹  
血腥東來橐駝滿舊都朔方健兒好身手昔何勇  
銳今何愚竊聞太子已傳位聖德北服南單于花  
門務音梨面請雪耻慎勿出口他人徂哀哉王孫慎  
勿踈五陵佳氣無時無

哀江頭

曲江為京都勝賞之地遭祿山焚劫之後公有感而作



少年野老吞聲哭春日潛行曲江曲江頭宮殿鎖  
千門細柳新蒲爲誰綠憶昔霓旌下南苑苑中萬  
物生顏色昭陽殿裏第一人同輩隨君侍君側輦  
前才人帶弓箭白馬嚼嚙黃金勒翻身向天仰射  
雲一箭楊用脩云黃魯直注作一笑用賈大夫妻射雉事正墮雙飛翼明  
眸皓齒今何在血污遊魂歸不得清渭東流劔閣  
深去住彼此無消息人生有情淚沾臆江水一作草  
江花豈終極黃昏胡騎塵滿城欲往城南忘南一作  
城北

洗兵馬

自注云收京後作

中興諸將收山東捷書夜報

一作夕奏

清晝同河廣傳

聞一葦過胡兒

一作危

命在破竹中

一作惟

殘鄴城

不日得獨任朔方無限功京師皆騎汗血馬回紇

餒肉蒲萄宮已喜皇威清海岱常思仙仗過崆峒

三年笛裏關山月萬國兵前草木風成王功大心

轉小郭相

郭子儀也

謀深古來少司徒

李光弼也

清鑒懸明

鏡尚書

王思禮也

氣與秋天杳二三豪俊爲時出整頓

乾坤濟時了東走無復憶鱸魚南飛覺有安枝

一作

巢鳥青春復隨冠冕入紫禁正耐煙花繞鶴駕通  
宵鳳輦備雞鳴問寢龍樓曉攀龍附鳳勢莫當天  
下盡化爲侯王汝等豈知蒙帝力時來不得誇身  
強關中既留蕭丞相幕下復用張子房張公疑謂張鎬  
一生江海客身長九尺鬚眉蒼微起適遇風雲會  
扶顛始知籌策良青袍白馬更何有後漢今周喜  
再昌寸地尺天皆入貢奇祥異瑞爭來送不知何  
國致白環復道諸山得銀甕隱士休歌紫芝曲詞  
人解撰河清頌田家望望惜雨乾布穀處處催春

種淇上健兒歸莫懶城南思婦愁多夢安得壯士  
挽天河淨洗甲兵長不用

麗人行

三月三日天氣新長安水邊多麗人能濃意遠淑  
且真肌理細賦骨肉勻繡羅衣裳照暮春蹙金孔  
雀銀麒麟頭上何所有翠微一作爲盦鳥合切葉垂鬢  
脣背一作身後何所見珠壓腰袂音劫穩稱身就中雲  
幕椒房親賜名大國號與秦紫駝之峯出翠釜水  
精之盤行素鱗犀筋厭飫久未下鸞刀縷切空紛

言系  
盧馬卷之十一  
五  
綸黃門飛鞚不動塵御厨絲絡送八珍簫鼓哀吟  
感鬼神賓從雜遝實要津後來鞍馬何逡巡當軒  
下馬入錦茵楊花雪落覆白蘋青鳥飛去銜紅巾  
炙手可熱勢絕倫慎莫近前丞相嗔

今夕行

今夕何夕歲云徂更長燭明不可孤咸陽客舍一  
事無相與博塞先代切為歡娛憑陵大叫呼五白袒  
跣不肯成臬盧英雄有時亦如此邂逅豈即非良  
圖君莫笑劉毅從來布衣願家無儋石輸百萬

苦戰行

苦戰身死馬將軍自云伏波之子孫干戈未定失  
壯士使我歎恨傷精魂去年江南討狂賊臨江把  
臂難再得別時孤雲今不飛時獨看雲淚橫臆

兵車行

車麟麟馬蕭蕭行人弓箭各在腰爺孃妻子走相

送

自注云古樂府不聞爺孃哭  
子聲但聞黃河之水流濺濺

塵埃不見咸陽橋

牽衣頓足攔道哭哭聲直上千雲霄道傍過者問  
行人行人但云點行頻或從十五北防河便至四

十西營田去時里正與裏頭歸來頭白還戍邊邊  
 庭流血成海水武皇開邊意未已君不見漢家山  
 東二百州千村萬落生荆杞縱有健婦把鋤犁禾  
 生隴畝無東西况復秦兵耐苦戰被驅不異犬與  
 雞長者雖有問役夫敢伸恨且如今年冬未休關  
 西卒縣官急索租租稅從何出信知生男惡反是  
 生女好生女猶得一作嫁比鄰生男埋沒隨百草  
 君不見青海頭古來白骨無人收新鬼煩冤舊鬼  
 哭天陰雨濕聲啾啾

沙苑行

唐置沙苑監掌牧養在同州

君不見左輔白沙白如水繚以周牆百餘里龍媒  
 昔是渥洼生汗血今稱獻于此苑中騾牝三千匹  
 豐草青青寒不死食之豪健西域無每歲攻駒冠  
 邊鄙王有虎臣司死門入門天廐皆雲屯驕驕一  
 骨獨當御春秋二時歸至尊至尊內外馬盈億伏  
 櫪在垆空大存逸羣絕足信殊傑倜儻權奇難具  
 論纍纍塹與堆同阜藏奔突往往坡陁縱超越角壯  
 翻同麋鹿遊浮深簸蕩鼉鼉窟泉出巨魚長比人

丹砂作尾黃金鱗豈知異物同精氣雖未成龍亦有神

錦樹行

今日苦短昨日休歲云暮矣增離憂凋傷碧樹作  
錦樹萬壑東逝無停畱荒戍之城石色古東郭老  
人住青丘飛書白帝營斗粟琴瑟几杖柴門幽  
憂作青草萋萋盡枯死天馬跛一作足隨羸牛自古  
聖賢多薄命姦雄惡少皆封侯一作故國三年  
一消息終南渭水寒悠悠五陵豪貴反顛倒鄉里

小兒狐白裘生男墮地要贅力生女一作富貴傾  
邦國莫愁父母少黃金天下風塵兒亦得

赤霄行

孔雀未知牛有角渴飲寒泉逢觝觸赤霄玄圃須  
往來翠尾金花不辭辱江中淘河嚇飛燕銜泥却  
落羞華屋皇孫猶曾蓮音勺困衛莊見貶傷其足  
老翁慎勿恠少年葛亮貴和書有篇丈夫垂名動  
萬年記憶細故非高賢

白鳧行

君不見黃鵠高於五尺童化爲白鳧似老翁故畦  
遺穗已蕩盡天寒歲暮波濤中鱗介腥膾素不食  
終日忍饑西復東魯門鷄鷓亦蹭蹬聞道如今猶  
避風

朱鳳行

君不見見瀟湘之山衡山高山巔朱鳳聲嗷嗷側身  
長顧求其曹翅垂口噤心甚勞下愍百鳥在羅網  
黃雀最小猶難逃願分竹實及螻蟻盡使鷓臬相  
怒號

古柏行

孔明廟前有老柏柯如青銅根如石霜皮溜雨四  
十圍黛色參天二千尺君臣已與時際會樹木猶  
爲人愛惜雲來氣接巫峽長月出寒通雪山白憶  
昨路繞錦亭東先主武侯同闕宮崔嵬枝幹郊原  
古窈窕丹青戶牖空落落盤踞雖得地冥冥孤高  
多烈風扶持自是神明力正直元因造化功大厦  
如傾要梁棟萬牛一作年回首丘山重一作不露文章世  
已驚未辭翦伐誰能送苦心一作不免容螻蟻香

言終  
卷之十七  
葉終經宿鸞鳳志士幽人莫然嗟古來材大難爲用

石犀行

華陽國志云秦孝文王以李冰爲蜀守作石犀五頭以壓水怪

君不見秦時蜀太守刻石立作三犀牛自古雖有  
厭勝法天生江水向東流蜀人矜誇一千載泛溢  
不近張儀樓今年灌口損戶口此事或恐爲神羞  
終藉隄防出衆力高擁木石當清秋先王作法皆  
正道詭恠何得參人謀嗟爾三犀不經濟缺訛只  
與長川逝但見元氣常調和自免洪濤恣凋瘵安

得壯士提天綱再平水土犀奔茫

石笋行

在成都西門外二株雙蹲一南一北

君不見益州城西門陌上石笋雙高蹲古老

一作來

相傳是海眼苔蘚蝕盡波濤痕雨多往往得瑟瑟  
此事恍惚難明論恐是昔時卿相墓立石爲表今  
仍存惜哉俗態好蒙蔽亦如小臣媚至尊政化錯  
迕失大體坐看傾危受厚恩嗟爾石笋擅虛名後  
來未識猶駿奔安得壯士擲天外使人不疑見本  
根

杜鵑行

君不見昔日蜀天子化爲杜鵑似老烏寄巢生子  
不自啄羣鳥至今與哺雛雖同君臣有舊禮骨肉  
滿眼身羈孤業工竄伏深樹裏四月五月偏號呼  
其聲哀痛口流血所訴何事常區區爾豈摧殘始  
發憤羞帶羽翮傷形愚蒼天變化誰料得萬事反  
覆何所無萬事反覆何所無一本無此重句豈憶當殿羣  
臣趨

虎牙行

自注云虎牙難名也蕭銑僭江陵日屯兵于此後常爲屯戍之地

秋風歛吸吹南國天地慘慘無顏色洞庭揚波江  
漢迴虎牙銅柱皆傾側巫峽陰泔朔漠氣峰巒窈  
窕谿谷黑杜鵑不來猿狖寒山鬼幽憂雪霜逼楚  
老長嗟憶炎瘴三尺角弓兩斛力壁立石城橫塞  
起金錯旌竿滿雲直漁陽突騎獵青丘犬戎鎖甲  
聞一作丹極此下疑八荒十年防盜賊征戍誅求  
圍寡妻哭遠客中宵淚霑臆

負薪行

夔州處女髮半華四十五十無夫家更遭喪亂嫁



不售一生抱恨堪咨嗟  
土風坐男使女立應當  
門戶女出入十猶八九  
負薪歸賣薪得錢應供  
給至老雙鬟只垂頸  
野花山葉銀釵並筋力  
登危集市門死生射利  
兼鹽井面妝首飾雜啼  
痕地褊衣寒困石根若  
道巫山女粗醜何得此  
有昭君村

最能行

峽中丈夫絕輕死  
少在公門多在水  
富豪有錢駕大舸  
貧窮取給行艤子  
小兒學問止論語  
大兒結東隨商旅  
欵帆側柁入波濤  
撒旋梢瀆無險阻  
朝

發白帝暮江陵  
頃來目擊信有徵  
瞿塘漫天虎鬚

怒歸州長年與

一作行

最能此鄉之人  
氣量窄悞競

南風踈北客若道  
土無英俊

一作雄

才何得山有屈

原宅

貧交行

翻手作雲覆手雨  
紛紛輕薄何須數  
君不見管鮑貧時  
交此道今人棄如  
土

白絲行

纛絲須長不須白  
越羅蜀錦金粟尺  
象牀玉手亂

殷紅萬草千花動凝碧已悲素質隨時染裂下鳴  
機色相射美人細意慰帖平裁縫滅盡針線跡春  
天衣著為君舞蛺蝶飛來黃鸝語落絮遊絲亦有  
情隨風照日宜輕舉香汗清塵汚顏色開新合故  
置何許君不見才士汲引難恐懼棄捐忍羈旅

去矣行

君不見鞞上鷹一飽則飛掣焉能作堂上燕銜泥  
附炎熱野人曠蕩無醜顏豈可久在王侯間未識  
囊中餐玉法明朝且入藍田山

歲晏行

歲云暮矣多北風瀟瀟洞庭白雲中漁父天寒網  
罟凍莫徭射鴈鳴桑弓去年米貴闕軍食今年米  
賤大傷農高馬達官厭酒肉此輩杼軸茅茨空楚  
人重魚不重鳥汝休在殺南飛鴻况聞處處鬻男  
女割慈忍愛還租庸往日用錢捉私鑄今許鉛錫  
和青銅刻泥為之最易得好惡不合長相蒙萬國  
城頭吹畫角此曲哀怨何時終

天邊行 日暮東顧大丘哭 誰可憐  
詩記

言終  
盛唐卷之七  
天邊老人歸未得日暮東臨大江哭隴右河源不  
種田胡騎羌兵入巴蜀洪濤滔天風拔木前飛禿  
鶯後鴻鵠九度附書向洛陽十年骨肉無消息  
大麥行  
大麥乾枯小麥黃婦女行泣夫走藏東至集壁西  
梁洋問誰腰鎌胡與羌豈無蜀兵三千人部領辛  
苦江山長安得如鳥有羽翅託身白雲還故鄉  
莫相疑行  
男兒生無所成頭皓白牙齒欲落真可惜憶獻三

賦蓬萊宮自恠一日聲輝赫集賢學士如堵墻觀  
我落筆中書堂往時文彩動人主此日饑寒趨路  
傍晚將末契託年少當面輸心背面笑寄謝悠悠  
世上兒不爭好惡莫相疑

折檻行

嗚呼房魏不復見秦王學士時難羨青襟胄子困  
泥塗白馬將軍若雷電千載少似朱雲人至今折  
檻空嶙峋婁公不語宋公語尚憶先皇容直臣

言系  
盛唐第七十七  
蘇空御山真公不語來公語尚對去皇容直且  
張空白黑然事昔雷雷于燁少少米雲入至今  
點中然勝不對良秦王學士却轉美青熱骨于因  
世土京不年夜惡莫味疑  
對強餘宋吳培平少當面錄以肯面笑者播教  
徐名書中書當對神文深懂人王孔日編卷四  
盛唐第七十七  
一日卷四

盛唐第七十八

唐詩紀一百三十八

鄣郡吳臺館彙編

東吳陸文組同校

杜甫

七言古詩

憶昔行

憶昔北尋小有洞  
洪河怒濤過輕舸  
辛勤不見華蓋君  
艮岑青輝慘么麼  
千崖無人萬壑靜  
三步回頭五步坐  
秋山眼冷蒐未歸  
仙賞心違淚交墮  
弟

子誰依白茅室盧老獨啓青銅鎖巾拂香餘搗藥  
塵階除灰死燒丹火玄圃滄洲奔空闊金節羽衣  
飄婀娜落日初霞閃餘映倏忽東西無不可松風  
礪水聲合時青兕黃熊啼向我徒然咨嗟撫遺跡  
至今夢想仍猶左舊作秘訣隱文須內教晚歲何  
功使願果更討衡陽董鍊師南遊早鼓瀟湘柁

閩山歌

閩州城東靈山白閩中

一作

城北玉臺碧松浮欲

盡不盡雲江動將崩已

一作

崩石那知根無鬼神

會已覺勢與蒿華敵中原格鬪且未歸應結茅齋  
看青壁

閩水歌

嘉陵江色

一作

何所似石黛碧玉相因依正憐日

破浪花出更復春從沙際歸巴童蕩槳歌側過水

鳥

一作

銜魚來去飛閩中勝事可腸斷閩州城南

天下稀

越王樓歌

綿州州府何磊落顯慶年中越王作孤城西北起

高樓碧瓦朱甍照城郭樓下長江百丈清山頭落  
日半輪明君王舊跡今人賞轉見千秋萬古情

光祿坂行

在梓州

山行落日下絕壁西望千山萬山赤樹枝有鳥亂  
鳴時暝色無人獨歸客馬驚不憂深谷墜草動只  
怕長弓射安得更似開元中

一作道路即今多擁

隔

冬狩行

自注云時梓州刺史章彝兼侍御史留後東川

君不見東川節度兵馬雄校獵亦似觀成功夜發

猛士三千人清晨合圍步驟同禽獸已斃十七八

殺聲落日迴蒼穹幕前生致九青兕駱駝轟崖垂

玄熊東西南北百里間髣髴蹴踏寒山空有鳥名

鸚鵡力不能高飛逐走蓬肉味不足登鼎俎胡爲

見羈虞羅中春蒐冬狩侯得同使君五馬一馬驄

况今一作令攝行大將權號令頗有前賢風飄然時

危一老翁十年厭見旌旗紅喜君士卒甚整肅爲

我回轡擒西戎草中狐兔盡何益天子不在咸陽

宮朝廷雖無幽王禍得不哀痛塵再蒙嗚呼得不

哀痛塵再蒙

百憂集行

憶年十五心尚孩  
健如黃犢走復來  
庭前八月梨棗熟  
一日上樹能千迴  
卽今倏忽已五十  
坐臥只多少  
行立強將笑語供  
主人悲見生涯百  
憂集入門依舊四  
壁空老妻覩我顏  
色同癡兒未知父  
子禮叫怒索飯啼  
門東

去秋行

去秋涪江木落時  
臂槍走馬誰家兒  
到今不知白

骨處部曲有去皆無歸  
遂州城中漢節在  
遂州城外巴人稀  
戰場冤冤每夜哭  
空令野營猛士悲

蠶穀行

天下郡國向萬城  
無有一城無甲兵  
焉得鑄甲作農器  
一寸荒田牛得耕  
牛盡耕田蠶亦成  
不勞烈士淚滂沱  
男穀女絲行復歌

徒步歸行

自注云贈李特進自鳳翔赴鄜州途經邠州作

明公壯年值時危  
經濟實藉英雄姿  
安國之社稷今若是  
武定禍亂非公誰  
鳳翔千官且飽飯  
衣馬不

復能輕肥青袍朝士最困者白頭拾遺徒步歸人  
生交契無老少論交何必先同調妻子山中哭向  
天須公櫪上追風驃

題壁上韋偃畫馬歌

韋侯別我有所適知我憐君畫無敵戲拈秃筆掃  
驂騮歛見麒麟出東壁一匹齧草一匹嘶坐看千  
里當霜蹄時危安得真致此與人同生亦同死

戲題王宰畫山水圖歌

十日畫一水五日畫一石能事不受相促迫王宰

始肯留真跡壯哉崑崙方壺圖挂君高堂之素壁

巴陵洞庭日本東赤岸水與銀河通中有雲氣隨

飛龍一本無此句舟人漁子入浦淑山木盡亞一作帶洪

濤風尤工遠勢古莫比咫尺應須論一作千萬里焉

得并州快剪刀剪取吳松半江水

題李尊師松樹障子歌

老夫清晨梳白頭玄都道士來相訪握髮呼兒延

入戶手持一作提新畫青松障障子松林靜杳冥憑

軒忽若無丹青陰崖却承一作成霜雪幹偃蓋反走



蚪龍形老夫平生好奇古對此興與精靈聚已知  
仙客意相親更覺良工心獨苦松下丈人巾屨同  
偶坐似是商山翁悵望一作悵聊歌紫芝曲時危慘  
淡來悲風

戲韋偃為雙松圖歌

天下幾人畫古松畢宏已老韋偃少絕筆長風起  
織末滿堂動色嗟神妙兩株慘裂苔蘚皮屈鐵交  
錯迴高枝白摧朽骨龍虎死黑入太陰雷雨垂松  
根胡僧憇寂寞龐眉皓首無住著偏袒右肩露雙

脚葉裏松子僧前落韋侯韋侯數相見我有一匹

好東一作素絹重之不減綿繡段已令拂拭光凌亂

請公放筆為直幹

韋諷錄事宅觀曹將軍畫馬圖引

明皇雜錄云曹

霸善繪畫時稱神妙

國初已來畫鞍馬神妙獨數江都王

按名畫記江都王緒霍王

元軌子畫鞍馬擅名

將軍得名三十載人間又見真乘黃曾

貌先帝照夜白

玄宗馬名

龍池十日飛霹靂內府殷紅

瑪瑙盤婕妤傳詔才人索盤

一作盤

賜將軍拜舞歸

輕軌細綺相追飛貴戚權門得筆跡始覺屏障生  
光輝昔日太宗拳毛騮近時郭家師子花今之新  
圖有二馬復令識者久歎嗟此皆騎戰一敵萬縞  
素漠漠開風沙其餘七疋亦殊絕迴若寒空動煙  
雪霜蹄蹴踏長楸間馬官廝養森成列可憐九馬  
爭神駿顧視清高氣深穩借問苦心愛者誰後有  
韋諷前支遁憶昔巡幸新豐宮翠華拂天來向東  
騰驤磊落三萬匹皆與此圖筋骨同自從獻寶一作  
王朝河宗無復射蛟江水中君不見金粟堆前松

柏裏龍媒去盡鳥呼風

奉先劉少府新畫山水障歌

堂上不合生楓樹恠底江山起煙霧聞君掃却赤  
縣圖乘輿遣畫滄洲趣畫師亦無數好手不可遇  
對此融心神知君重毫素豈但祁岳與鄭虔筆迹  
遠過楊契丹得非玄圃裂無乃瀟湘翻悄然坐我  
天姥下耳邊已似聞清猿反思前夜風雨急乃是  
蒲城鬼神入元氣淋漓障猶濕真宰上訴天應泣  
野亭春還雜花遠漁翁暝踏孤舟立滄浪水深青

溟闊歎岸側島秋毫末不見湘妃鼓瑟時至今斑  
 竹臨江活劉侯天機精愛盡入骨髓自有兩兒郎  
 揮灑亦莫比大兒聰明到能添老樹巔崖裏小兒  
 心孔開貌得山僧及童子若耶谿雲門寺吾獨胡  
 爲在泥滓青鞋布鞵從此始

觀打魚歌

綿州江水之東津魴魚鱗鱗色勝銀漁人漾舟沈  
 大網截江一擁數百鱗衆魚常才盡棄却赤鯉騰  
 出如有神潛龍無聲老蛟怒迴風颯颯吹沙塵饗

子左右揮霜刀鱠飛金盤白雪高徐州秃尾不足  
 憶漢陰槎頭遠遁逃魴魚肥美知第一既飽驩娛  
 亦蕭瑟君不見朝來割素鬢咫尺波濤永相失

又觀打魚

蒼江漁子清晨集設網提綱萬魚急能者操舟疾  
 若風撐突波濤挺义入小魚脫漏不可紀半死半  
 生猶戢戢大魚傷損皆垂頭屈強泥沙有時立東  
 津觀魚已再來主人罷鱠還傾杯日暮蛟龍改窟  
 穴山根鱸鮓隨雲一作雷干戈兵革鬪未已鳳凰

麒麟安在哉吾徒胡為縱此樂暴殄天物聖所哀

觀公孫大娘弟子舞劍器行并序

大曆二年十月十九日夔府別駕元特宅見臨  
穎李十二娘舞劍器壯其蔚跂一作跋問其所師  
曰余公孫大娘弟子也開元三載余尚童稚記  
於郾城觀公孫氏舞劍器渾脫瀏漓頓挫獨出  
冠時自高頭宜春梨園二伎坊內人洎外供奉  
曉是舞者聖文神武皇帝初公孫一人而已玉  
貌錦衣况余白首今茲弟子亦匪盛顏既辨其

由來知波瀾莫二撫事慷慨聊為劍器行一作

昔者吳人張旭善草書書帖數一作類嘗於鄴縣

見公孫大娘舞西河劍器自此草書長進豪蕩

感激即公孫可知矣

昔有佳人公孫氏一舞劍器動四方觀者如山色

沮喪天地為之久低昂音燿如羿射九日落矯如

羣帝驂龍翔來如雷電收震怒罷如江海凝清光

絳脣朱袖兩寂寞晚有弟子傳芬芳臨穎美人在

白帝妙舞此曲神揚揚與余問答既有以感時撫

言終  
事增惋傷先帝侍女八千人公孫劔器初第一五  
十年間似反掌風塵頃洞昏王室梨園弟子散如  
煙女樂餘姿映寒日一作寒映日金粟堆南木已拱瞿  
塘石城草蕭瑟玳筵急管曲復終樂極哀來月東  
出老夫不知其所往足繭荒山轉愁疾

縛雞行

小奴縛雞向市賣雞被縛急相喧爭家中厭雞食  
蟲蟻不知雞賣還遭烹蟲鷄於人何厚薄吾叱奴  
人解其縛雞蟲得失無了時注目寒江倚山閣

李潮八分小篆歌

書苑李潮善小篆師李斯嶧山碑見稱于時

蒼頡鳥跡既茫昧字體變化如浮雲陳倉石鼓又  
已訛大小二篆生八分秦有李斯漢蔡邕中間作  
者寂不聞嶧山之碑野火焚棗木傳刻肥失真苦  
縣光和尚骨立書貴瘦硬方通神惜哉李蔡不復  
得吾甥李潮下筆親尚書韓擇木騎曹蔡有鄰開  
元已來數八分潮也奄有二子成三人况潮小篆  
逼秦相快劔長戟森相向八分一字直百金蛟龍  
盤拏肉屈強吳郡張顛誇草書草書非古空雄壯

豈如一作知吾甥不流宕丞相中郎丈八行巴東逢  
李潮逾月求我歌我今衰老才力薄潮乎潮乎奈  
汝何

瘦馬行 此詩似為房琯作

東郊瘦馬使我傷骨骼硤兀如堵墻絆之欲動轉  
歎側此豈有意仍騰驤細看六印帶官字衆道三  
軍遺路傍皮乾剝落雜泥滓毛暗蕭條連雪霜去  
歲一作年奔波逐餘寇驂騑不慣不得將士卒多騎  
內廐馬惆悵恐是病乘黃當時歷塊誤一蹶委棄

非汝能周防見人慘淡若哀訴失主錯莫無晶光  
天寒遠放鴈為伴日暮不收烏啄瘡誰家且養願  
終惠更試明年春草長

高都護驄馬行

安西都護胡青驄聲價歛然來向東此馬臨陣久  
無敵與人一心成大功功成惠養隨所致飄飄遠  
自流沙至雄姿未受伏櫪恩猛氣猶思戰場利踠  
一作腕促蹄高如培鐵交河幾蹴曾冰裂五花散作  
雲滿身萬里方看汗流血長安壯兒不敢騎走過

言終  
擗電傾城知青絲絡頭為君老何由却出橫音門道

天育驃騎歌

天育  
既名

吾聞天子之馬走千里今之畫圖無乃是是何意

態雄且傑驥

一作  
駿

尾蕭梢朔風起毛為綠縹兩耳

黃眼有紫焰雙瞳方矯矯龍性合變化卓立天骨

森開張伊昔太僕張景順

開元  
時人

考牧攻駒閱清峻

遂令大奴字

養也一  
作守非

天育別養驥子憐神駿

今作  
俊

當時四十萬匹馬張公歎其才盡下故獨寫真傳

世人見之座右久更新年多物化空形影嗚呼健  
步無由騁如今豈無驥裏與驊騮時無王良伯樂  
死即休

驄馬行

自注云太常良卿敕賜馬也  
李鄧公愛而有之命甫製詩

鄧公馬癖人共知初得花驄大宛種夙昔傳聞思  
一見牽來左右神皆竦雄姿逸態何嶒崢顧影驕  
嘶自矜寵隅目青熒夾鏡懸肉驥礮礮連錢動朝  
來少一作  
久試華軒下未覺千金滿高價赤汗微生  
白雪毛銀鞍却覆香羅帕卿家舊賜一作  
物公能取

言絲  
天廐真龍此其亞晝洗須騰涇渭深夕一作趨可

刷幽并夜吾聞良驥老始成此馬數年人更驚豈

有四蹄疾於鳥不與八駿俱先鳴時俗造次那得

致雲霧晦冥方降精近聞下詔喧都邑肯使麒麟

一作知有驂騑騑地上行

### 李鄠縣丈人胡馬行

丈人駿馬名胡騑前年避胡過金牛迺鞭却走見

天子朝飲漢水暮靈州自矜胡騑音絕代乘出千

人萬人愛一聞說盡急難材轉益愁向駑駘豈頭

上銳耳批秋竹脚下高蹄削寒玉始知神龍別有

種不比俗馬空多肉洛陽大道時再清累日喜得

俱東行鳳臆龍鬣未易識側身注目長風生

### 姜楚公畫角鷹歌

楚公姜皎也按名畫記皎善畫鷹鳥

楚公畫鷹鷹戴角殺氣森森到幽朔觀者貪愁掣

臂飛畫師不是無心學此鷹寫真在左綿却嗟真

骨遂虛傳梁間燕雀休驚怕亦未搏空上九天

### 荆南兵馬使太常卿趙公大食刀歌

大食國名

太常樓船聲嗷嘈問兵刮寇超下牢牧出令奔飛



百艘猛蛟突獸紛騰逃白帝寒城駐錦袍玄冬示  
我胡國刀壯士短衣頭虎毛憑軒拔鞘天為高翻  
風轉日木怒號水翼雪一作雲淡傷哀猱鑄錯碧鬣  
鷓鴣膏芒鏢已瑩虛秋濤鬼物撒振練結切亂坑壕  
蒼水使者捫赤條龍伯國人罷釣鼈芮公回首顏  
色勞分闡救世用賢豪趙公玉立高歌起攬環結  
佩相終始萬歲持之護天子得君亂絲與君理蜀  
江如線針如水荆岑彈丸心未已賊臣惡子休干  
紀魑魅魍魎徒為耳妖腰亂領敢欣喜用之不高

亦不痺不似長劍須天倚吁嗟光祿英雄弭大食  
寶刀聊可比丹青宛轉麒麟裏光芒六合無泥滓

海棕行

左綿公館清江濱海棕一株高如雲龍鱗犀甲相  
錯落蒼稜白皮十抱文自是衆木亂紛紛海棕焉  
知身出羣移栽北辰不可得時有西域胡僧識

呀鶻行

病鶻卑飛俗眼醜每夜江邊宿衰柳清秋落日已  
側身過鴈歸鷗錯回首緊腦雄姿迷所向踈翮稀

毛不可狀今本疆神迷復皂鵬前俊材早在蒼鷹  
上風濤颯颯寒山陰熊羆欲蟄龍蛇深念爾此時  
有一擲失聲濺血非其心

秋雨歎三首

雨中百草皆爛死堦下決明顏色鮮著葉滿枝翠  
羽蓋開花無數黃金錢涼風蕭蕭吹汝急恐汝後  
時難獨立堂上書生空白頭臨風三嗅馨香泣

闌

一作蘭

風伏雨秋紛紛四海八荒同一雲去馬來

牛不復辨濁涇清渭何當分禾頭生耳黍穗黑農

夫田父無消息城中斗米換衾裯相許寧論兩相  
直

長安布衣誰比數反鎖衡門守環堵老夫不出長  
蓬蒿稚子無憂走風雨雨聲颼颼催早寒胡鴈翅  
濕高飛難秋來未曾見白日泥污后土何時乾

柵樹爲風雨所拔歎

倚江柵樹草堂前故老相傳二百年誅茅卜居總  
爲此五月髣髴聞寒蟬東南飄風動地至江翻石  
走流雲氣幹排雷雨猶力爭根斷泉源豈天意滄

波老樹性所愛浦上童童一青一作車蓋野老頻留

懼雪霜行人不過聽竿籟虎倒龍顛委榛棘淚痕

血點一作點血垂膏臆我有新詩何處吟草堂自此無

顏色

茅屋為秋風所破歎一作歌

八月秋高風怒號卷我屋上三重茅茅飛度江灑

江郊高者挂骨長林梢下者飄轉沈塘坳南村羣

童欺我老無力忍能對面為盜賊公然抱茅入竹

去脣焦口燥呼不得歸來倚杖自歎息俄頃風定

雲墨色秋天漠漠向昏黑布衾多年冷如鐵嬌兒

惡臥踏裏裂牀牀屋漏無乾處雨脚如麻未斷絕

自經喪亂少睡眠長夜沾濕何由徹安得廣廈千

萬間大庇天下寒士俱歡顏風雨不動安如山嗚

呼何時眼前突兀見此屋吾廬獨破一作壞受凍死

亦足

亦且

河何邦耶前突不見也氣善亂斷好  
 萬間大抵天下寒士身遭風雨不恤矣  
 自豈要項少卿耶其亦出於此也  
 盛唐第七十八  
 黃河看黑水  
 手冷吹澗水  
 見



